


# KHUETŠO

 Ke thabile go ba fa mosong wo, kopanong ye botse ye ya—ya batho, gomme ya go ikgetha ya batho ba baswa, bjale ka go ke kwišiša gore tirelo ye mosong wo e neetšwe baswa ba Shreveport. Gomme ke nako ye botse kudu bophelong bjaka, gomme ke seetšakgolo, goba nka e bitše tlhaka—khubedu, go tla go bolela le bašimane le basetsana bao ka moso ba tlogo—tlogo, ge e ba go na le ka moso. Ka fao, re thabetše se.

<sup>2</sup> Ke dikereke tše kae tša maina tše di emetšwego mo mesong ye, mo sehlopheng se se nnyane sa batho? Ke tla re, Methodists, išang diatla tša lena godimo. Ke nno mo kwa a e bolela go tšwa tlhaolong. Tšohle di gabotše. Baptists, išang diatla tša lena godimo. Gabotse. Presbyterians? E no lebelela. Malutere? Mapentekoste? Le—le, oo, Nazarene? Pilgrim Holiness? Ye nngwe gape kereke ya leina ye ke sego ka e bolela, emiša letsogo la gago. Ke a makala ge e ba go na le Makatoliki ka mo, a nke re ba bone ba emiša diatla? Eye, o a bona.

<sup>3</sup> A go ka direga gore go be Orthodox Jew, a re boneng seatla sa gago? Tšohle di gabotse, mohlomphegi. Nako ye nngwe, ke a dumela, gona mo e sego kgale, kopano ya mafelelo mo, re bile le yo mongwe wa bo rabi mo ka kopanong, go tšwa go Orthodox ya Bajuda, yeo e lego, ke therešo mmago tšohle tše. O a bona, o tseweleeditše ngwana, kereke ya Orthodox e tšweleleeditše kereke ya Bakriste. Go tšwa Bojudeng go tšweletše Bokriste.

<sup>4</sup> Gomme ka fao re thabile kudu go le bona le emetšwe fa mosong wo, ka kereke ya gago le ka seemo sa gago. Gomme ka—ka therešo ke dumela se, gore—gore, Modimo, ge A ka tla lehono, A ka—A ka seke a botšiša potšišo yeo. Ge nka be ka moka re e e ya go tsena mosong wo, O be a tla no tšea bao ba loketšego go ya.

<sup>5</sup> Mengwaga ya go feta, ke be ke le lerentšara. Gomme ke be ke le ntle kua gape dikgwedi di se kae tša go feta, ke eme thwii ka mo seferong, le ba bangwe ba bana bešu ke ba bona ba dutše mo mosong wo. Ngwanešu Welch Evans, Ngwanešu Banks Wood go tšwa kerekeng yaka ka Jeffersonville, gomme re putlile mo sefateng se, fao ke boletšego ka sona kudu. Gomme ke be ke fela ke dula fao, mesong ye mentši, ge ba be ba otlela mohlape go iša go tloga . . . Mokgatlo, mo . . . ba gapela mohlape wa bona ka sethokgweng, Sethokgwa sa Arapaho. The Troublesome River Hereford Association e fodiša sethokgwa ka thoko ye ya Troublesome River, ye e bitšwago East Fork. Gomme go na le West Fork Troublesome, gomme Upper Troublesome River e fodiša ka thoko yela.

<sup>6</sup> Gomme bjale ge phulo ya gago e kgona go tšweletša, ke nagana gore, ke mapale a mabedi a bjang bjale, ka ngwaga, o ka kgona go bea kgomo go mapale a mangwe le a mangwe a mabedia a bjang. Gomme, go bjalo, Lekgotla la Kgwebo le na le phulo ya gago, le palo ya dikgamo ye phulo ya—ya—ya gago e di hlokomelago, goba bofodišo bja gago.

<sup>7</sup> Gomme mofudiši o swanetše go ema fao, go bala dikgomo tše ge di tsena ka gare. Gomme o tlemega go di hlahlofa, gore ke mohuta ofe wo o tsenago. Gomme ga go se se ka kgonago go tsena ka fao ge e se motswako wa kgonthe wa Hereford, ka gore ke Mokgatlo wa Hereford. E sego se sengwe eupša Hereford, Hereford ye e ngwadišitšwego, ka gore di—di—di—dipoo, dipoo tše kaa go ditshadi tše kaa, le go ya pele. Go swanetše go ba ka tsela yeo, ka gore seo se boloka semelo sa mohlope woo gabotse. Gomme e swanetše go ba Hereford ye e ngwadišitšwego, go tsena ka moo.

<sup>8</sup> Gomme, le a tseba, ke—ke be ke lebeletše mofudiši ge a be a bala dikgomo ge di tsena, a hlahlofa. Ga se a ke le ka nako e tee, bjalo ka ge ke mmone, a lebelela mohuta goba a hlahlofa leswao. Gobe go na le maswao a mantši a o a tsenago ka gare, bjalo ka Grimes fao, Diamond Bar, la rena e be e le Turkey Track, le Tripod, le a go fapana, a go fapana maswao ao a go tsena ka sethokgweng seo. Ga senke a šetša leswao leo di bego di na le lona, eupša o be a nyaka tsebe ye nngwe le ye nngwe go ba le nnete ya gore sepatso sa madi se be se le gona. E sego se sengwe eupša motswako wa makgonthe wa Hereford o be o kgona go tsena.

<sup>9</sup> Gomme ke ile ka dula fao dinako tše ntši, ka gopola, “Ke ka tsela yeo go tla bago ka gona kahlong.” A ka se ke a be a lebelela leswao la rena, ge e ba re MaPresbyterian, MaMethodist, MaBaptist, goba se sengwe le se sengwe seo re lego sona, goba MaPentekoste; eupša O tla hlokomela sepatso sa Madi, Seka. Seo ke se se tlogo go re tšeela ka gore, ka gare ga go seo se kgonago go tla Letagong ka ntle ga go ba ka fase ga Madi. Sepatso sa Madi, gore re amogetše seo Modimo a re diretšego, ka go Kriste. O a bona, ga go nale—ga go nale selo seo re ka itirelago ka borena, re ba pallwi ba mafelelo. Ga go tsela le ga tee. Ge monna a dirile sebe, o tshetše legaga gare ga gagwe le Modimo, gomme a tloga. Fao ga go tsela ya go ya morago, le ga tee. Eupša Modimo, wa go huma ka mogau, o amogetše Kemedi. Gomme kemedi Yeo lehono, go rena, ke Jesu Kriste. Seo se nnoši Modimo o tla se lemoga ka kamogelo, Madi a Morwa wa Gagwe, ge a etla go nako yeo.

<sup>10</sup> Bjale re na le nako ye kgolo kua Life Tabernacle. Re bile le nako ya letago manthapama a go feta, go bona Moya wo Mokgethwa o sepela magareng a rena. Gomme ka moka re lebeletše seo.

<sup>11</sup> Monna yo mongwe le yo mongwe o lebeletše go bona mo a tšwago, le gore o dira eng mo, le gore o ya kae ka morago ga fa. Gomme re bile le dipuku tše ntši tše botse tše di ngwadilwego. Ke sa tšwa go bala tše dingwe tše kaone dipuku, bophelong bja ka, tša filosofi ya motho le dilo. Eupša, le ge di ka ba botse tšona dipuku, go na le Puku e tee feela ye e kgonago go go botša moo o tšwago, seo o lego sona, le moo o yago, gomme ke yona Puku ye, Beibele. Gomme Lentšu ke Modimo. Gomme, re dumela go Puku yeo, gomme ke yona re ratago go e emela, mo letšatši le. Gomme e tshephiša ka fao gore re tla—tla dirwa gore re tsebje gore re bo mang, re tšwa kae, le moo re yago.

<sup>12</sup> Ke be ke bala karolwana nako ye e sego kae ya go feta, go Anderson mosepelo wa Kereke ya Modimo, mongwadi wa histori. Ke a dumela e be e le ka. . . Ga ke sa gopola tlwa bjale gore e be e le ka ngwaga ofe. E be e le makgolo a mengwa a malwa ka morago ga lehu la Kriste; mo—mo mišinari o tlile England, yeo ka nako yeo e bego e bitswa Angle-land. Gomme o be a leka go sokollela kgoši ya England, go Bokriste. Gomme ba be ba dutše kgauswi le sebešo se segolo, dietša tša mollo di be di bonegile godimo go—go lešoba, bjale ka ge re e bitša lehono. Gomme mokgethwa o be a leka go sokollela kgoši go Bokriste. Gomme peolwane ya fofela seetšeng, ya dikologa go rarela seetša, gomme ya tšwela ntle leswiswing gape.

<sup>13</sup> Gomme ke dumela gore ditragalo ka moka di iša letagong la Modimo. Ke dumela gore O re tshephišitše gore O tla dira tšohle di direge mmogo go iša go tše botse go bao ba Mo ratago.

<sup>14</sup> Gomme mokgethwa a botšiša potšišo, “E be e tšwa kae, gomme e ile kae?” E tšwa mo go sa tsebjejo, gomme e gometše morago ka tsela yona yeo. Gomme mokgethwa a re, “Beibele Ye e swere potšišo ye bjalo, go rena, moo re tlilego go tšwa bokagosa tsebjejo gomme re boela morago bokagosa tsebjejo.” Gomme mosong wo o latelago, kgoši, ka morago ga go ithuta ka yona bošego, gore monna o be a rereša, yena le ba ntlo ya gagwe ba kolobetšwa Leineng la Jesu Kriste tebalelong, ya dibe tša bona, mosong wo o latelago. Mo, e ka bago mengwaga ye makgolo a mararo goba a mane, goba go feta, ka morago ga lehu la moapostola wa mafelelo.

<sup>15</sup> Bjale, ke nagana gore tiragalo ye mosong wo, ya rena ge re etla mmogo, ga e no ba go tla mo go ja difihlolo, le ge re—re leboga seo. Ga se ka tla ka gore. . . ke be ke lapile, gomme ga se ke tsoge ka nako. Ke šaletše kudu. Eupša ke nagana gore tiragalo ye ke ya letago la Modimo, le la Mmušo wa Modimo.

<sup>16</sup> Bjale a re, ka nako ye, bale temana mosong wo, goba re bale Lengwalo go tšwa Beibeleng, leo Morena a bonalago a le beile pelong yaka la baswa le ba bagolo ga mmogo, gagolo, la batho ba baswa ba Shreveport, bao mosong wo le gafelwago go bona. A re baleng go tšwa go Isaiah tema ya 6, ge le ka dira, re thome ka temana ya 1.

*Ka ngwaga wo kgoši Usia a hwilego ke bone le Morena a dutše teroneng, ye e rotobetšego, . . . e phagamilego, gomme balatedi ba gagwe ba tletše tempele.*

*Ka godimo go le barongwabatuki: yo mongwe le yo mongwe wa bona a na le diphego tše di seelago; ka tše pedi a o pipa segahlego sa gagwe, gomme ka tše pedi a ipipa maoto a gagwe, gomme ka tše pedi o be a fafa.*

*Gomme yo mongwe a golletša go yo mongwe, gomme ba re, Mokgethwa, mokgethwa, mokgethwa, ke MORENA Modimo wa mašaba: lefase lohle le tletše letago la gagwe.*

*Gomme direpodi tša mojako tša šišinyega ka lentšu la gagwe, gomme ntlo ya tlala ka muši.*

*Gomme nna ka re, Joo nna! ke fedile; ka gore ke monna wa melomo ya ditšhila, gomme ke dula gare ga batho ba melomo ya ditšhila: gomme mahlo a ka a bone Kgoši, MORENA wa mašaba.*

*Ka nako yeo gwa fofela yo mongwe wa barongwabatuki go nna, a swere legala ka seatleng sa gagwe a le tšere ka letlawa go tšwa aletareng:*

*Gomme a le bea molomong waka, gomme a re, Bona, le kgwathile melomo ya gago; . . . bokgopo bja gago bo tlošitšwe, . . . sebe sa gago se hlatswitšwe.*

*Gape ka kwa lentšu la Morena, le re, Ke tla roma mang, gomme ke mang yo a tloga go re ela? Ka fao nna ka re, Ke nna e; roma nna.*

<sup>17</sup> Ke rata go tšea hlogo ya taba go tšwa fao mosong wo, ya go bitšwa, *Khuetšo*. Le a tseba, le ge re be re sa nyake go dumela se, eupša, tšohle tše re di dirago, re huetša yo mongwe.

<sup>18</sup> Nna dinako tše ntši ke rera dipolokong. Gomme ga nke ke leka go bolela kudu ka motho yo a hlokofetšego, ka gore ga go bohlokwa go se bolela. Batho, bophelo bjo monna a nago nabjo, goba mosadi, e ka ba mang kapa mang, a bo phetšego, bo tla bolela kudukudu go phuthego go feta se sengwe se nka kgonago go se bolela ka bona. Nka seke ka be ka fetola kgopolo ya bona. Bophelo bja bona bo boditše seo ba bego ba le sona.

<sup>19</sup> Gomme ka fao re ka se tsebe seo re se dirago, khuetše yeo le seo re se dirago e nago le sona godimo ga ba bangwe. Beibele e rile, "Re diepistole tše di ngwadilwego, di balwa ke bohle." Ke gore, bophelo bja gago bo bala kudu go setšhaba, go fihla bopaki, ge e ba bo kgahlanong le bophelo bja gago, ga bo na le khuetšo. Ke seo o lego sona ka gare ga gago, seo batho ba se balago; e sego kudu seo o se bolelego, eupša seo o lego sona, o a bona. O ka kgona go kgomaretše se sengwe godimo ga yo

mongwe, wa re, “Se ke seo, le go ya pele,” eupša bophelo bja gago ge bo fapana le seo ba se boelago, bopaki bja gago bja bophelo bja gago bo hlaba lešata go feta bopaki bjoo yo mongwe a kgonago go bolela se sengwe ka wena. Ee. Ka fao e no bea seo kgopolong, gore re tliša dikhuetšo tšatši ka tšatši, gomme bophelo bjo o bo phelago bohlatsele se se lego ka gare ga gago. O ka se kgone go fetola seo. Bo a laetša. Motho yo mongwe le yo mongwe o laetša, ka ntle, seo a lego sona ka gare.

<sup>20</sup> Ge re tšea bopaki bja go ba Mokreste, ke nagana gore seo ke se sengwe sa dilo tše kgethwa tšeo monna goba mosadi, mošimane goba mosetša, a kgonago go di dira. Ge a tšea Leina la Kriste, gore o ile go ba moemedi wa Kriste, o swanetše go hlokomela mosepelo wo mongwe le wo mongwe wo o o dirago, ka gore yo mongwe o go lebeletše. Gomme, ka go se, se laetša se Modimo a go diretšego, ka gare ga gago.

<sup>21</sup> Mo e sego kgale, mo—mo maratho o be o swanetše go agwa tlase Australia, gomme ba ile ba bitša banna go tšwa United States; bahlami, e sego bahlami, eupša baagi, le go ya pele, banna ba leporago, ba theoga le go bona ge ba ka kgona go aga leporo go putla molapo wola wa meetse. Gomme ga se ba kgona go hwetša monna ka Amerika yo a ka kgonago—kgonago go le tšea. Aowa. Ba rile, “Lešabašaba, le go ya pele, le ka se kgone go ema.” Ka fao ba bile le pitšo ya lefase lohle go baagi ba leporoga, gomme ga go le o tee wa bona a ka le tšea go.

<sup>22</sup> Mafelelong, khamphane ye kaone ya England, ba theoga batla, gomme ba tšea ko—ko kontraka ka morago ga ge a dirile diteko tša mobu. O ile a re o tšea kontraka gomme o aga leporogo. Ka ba ka la eng? Gopola, tumo ya gagwe bjale, bjale ka moagi wa leporogo le fase ka bophara, e be e dutše godimo ga gore mošomo wa gagwe e tla ba ofe ka leo leporogo. Ga go kgathalega ka seo a se dirilego nakong ya go feta, mošomo wo a rilego o tla kgona go o dira, o be o tla bonagatša seo a bego a le sona. Ba re o ile a hlahlofa pouto ye nngwe le ye nngwe, le seripana se sengwe—le se sengwe sa tshipi seo se bego se eya leporogong; tšhila, le go ya pele, ka fase, le kgatelelo ya meetse godimo ga tšhila. Gomme nako yeo bohle baagi ba bangwe ba be ba eme go dikologa, gomme ba re, “Le—le ka seke la ema. Le—le swanetše go nwelela.” Eupša ka tšatši la go le neela, monna, o be a otlela, ka boyena, ka hlogong ya phareite, ka baka la gore o be a tseba gore mošomo wa gagwe o lekilwe ka maatla, gomme o tla ema.

<sup>23</sup> Gomme ke nagana gore ke selo se segolo seo re ka kgonago go se lebelela bophelong bja BoKreste. Go swanetše go ba leporogo go kgokaganya tsela ya moloko wa batho go tlogela lefase le tšatši le lengwe, gomme go be go se yo motee yo a ka kgonago go e dira; Morongwa, Morongwamogolo, Mosarafimi, Mokerubi, go se seo se ka kgonago go e dira. Modimo ka bo Yena a theogela fase, ka sebopego sa Motho, gomme a dira

leporogo la tsela le go dira tsela, gomme a tshela leporogo, la pele, go tšwa lebitleng go ya Letagong. Gomme le laeditše ponagatšo ka nnete. Yenngwe le—yenngwe tshika mmeleng wa gagwe, mogopolo wo mongwe le wo mongwe ka kelellong ya gagwe, maatla a mangwe le a mangwe ao a bego a le ka go Yena, a ile a lekwa ke lenaba. Eupša A emela teko, le go iša lehung ka bolona, ge A le fenya.

<sup>24</sup> Yo monnyane yo mošimane, Usia, yo re bolelago ka yena mosong wo, e be e le magale wa Jesaya. Jesaya, moporofeta yo monnyane matšatši a Usia, o be a lebeletše lesogana le leswa le, ka gore Usia e be e le monna yo mogolo. O tšwa go—go bokamorago bjo bokaone. Tatagwe le mmagwe, mmogo, e be e le badumedi ba go tia go Modimo. Gomme ba be ba godišeditše mošimane wa bona go direleng le go hlompha Modimo.

<sup>25</sup> Se sengwe sa ditlhokego tše kgolo tša letšatši la rena lehono, mo Amerika le lefase tšekelele, ke motswadi wa bomodimo, go bea khuetšo godimo ga bana ba bona. Batswadi ba letšatši le ba tlogile melaong ya Mangwalo. Ba ile kudu go difešene tša lefase. Gomme le dikere ke di dirile se se swanago. Ka go dira seo, re a e tlemolla, gomme re tlišitše lefase ka kerekeng. Ke ka lebaka leo re na le letšatši le legolo le la . . . ge ke le bolela ka tlhomphe mo pele ga batho ba ba baswa. Lebaka leo re nago dikefa tše ntši, le go ya pele, bjalo ka ge ba le bitša, le—le dimelo tše mpe, bontši bja sona ke ka baka la bophelo bja lapa bjoo ba hueditšwego ke bjona, matšatši a bona a pelepele. Ke sa le modumedi, gore, “Godiša ngwana ka tsela yeo a swanetšego go tšea ka yona, gomme ge a godile a ka se ke a be a e tlogela.”

<sup>26</sup> Bjale, Usia e be e le mošimane yo a godišitšwego ka botswading bjo bo bjalo go fihlellage bo mo huetša.

<sup>27</sup> Lebelela yo mongwe wa MaAmerika a magologolo yo ke kgonago go gopola ka yena, e be e le Abraham Lincoln. O be ka therešo a swanelwa ke kgodišo yeo a go e fiwa, le go feta. O bile le mathomo a mabe; go belegelwa lapeng la bodiidi, a se be le tsela ya go dira thuto, a ngwala le šabašabeng. Re kwišiša gore dipuku di nnoši tše pedi tšeo a bego a na le tšona bophelong bja gagwe, go fihla ge a e ba le mengwaga ye e ka bago masomepedi-tee, e be e le Beibele, le Pilgrim’s Progress, goba e ka no ba e be e le Foxe’s Book of Martyrs, e be e le ye nngwe ya dipuku tšeo. Eupša, o a bona, seo monna yoo a se badilego, se hueditše bophelo bja gagwe.

<sup>28</sup> Gomme seo ke selo seo se swanago le sona lehono. Mebaraka ya rena e—e tletše ka maroga le—le ditšhila, tša go loya megopolo ya bana ba rena ba baswa, gomme ka gona re bea phošo godimo ga bona. Ge, ke gopola, dinako tše ntši ke ya rena, rena batho ba BaKrisite bao ba ka se emelego selo seo se lokilego, gomme ra tloša dilo tšeo dišelefong tša rena, le go ya

pele. Gomme le gona ka magae a rena, le gona, re a hlephiša gomme re dumelela maroga a ka moka le dilo go tla ka magaeng a rena, go huetša bana.

<sup>29</sup> Eupša Usia o be a godišitšwe gabotse. Gomme o be a, re a kwišiša bjale, mo go II Dikoronika 26, o ka kgona go bala setori, gore ka mengwaga ye lesometshelela o dirilwe kgoši, ka morago ga lehu la tatagwe. Gomme a ba kgoši ka lesometshelela. Ka morago ga go ba le batswadi ba ba bomodimo, o ile a napa a thoma ka mmušo wa gagwe, go dira seo se bego se lokile. Ga se a ke a hlokomela dikgopolo tša botsebalegi goba dipolotiki tše letšatši leo. O ile a direla Modimo.

<sup>30</sup> Bjale, yo ke monna wo mokaone go huetšwa ke yena, monna yo a tlogo go tšea leemo la gagwe ka seo e lego therešo, ka nako ya ge kgopolo ya botsebalegi e kitima kgahlanong, gomme dipolotiki di kitima kgahlanong; eupša monna yo a dulago ka therešo thwi mo tseleng.

<sup>31</sup> Mopresitente yo moswa yo a sa tšwago go tšea go tloga. . . Mopresitente Johnson, go tloga polaong ya Presitente Kennedy. Ge a kgopetše, letšatši le lengwe, gore o ile a bitša baruti ka moka go kgabuganya setšhaba go rapela, go mo thuša. Ke—ke ratile seo ka monneng. Le a bona, o bitša Modimo go—go mo thuša. Ke kwišiša gore ke modumedi, gomme o tshepha Modimo. Ka fao, re nyaka monna wa go swana le yoo.

<sup>32</sup> Gomme re hwetša gore Usia, ka nako ya gagwe, mmušo wa gagwe o kekile tsela kamoka go ya Egepita le dinaga mabapi ka moka, go fihla wa gagwe. . . E be e le wo magolo kudu go fihla ge mmušo wa gagwe o etla kgauswi le mmušo wa Solomon. Letago la Morena le be le na le yena.

<sup>33</sup> Se sefa thušo e kgolo go moporofeta yo moswa, Jesaya, yo a bego a etše monna yo hloko, kgoši ye nnyane ye, gobane o ile a tlišwa ntlong ya mošate nakong ya pušo ya kgoši ye nnyane ye. Gomme Jesaya e le moporofeta yo moswaka nako yeo, gomme a bona gore Modimo o mo šegofatša bjang, gomme a mo huetša le go mo fa selo sa maleba. Gomme re a tseba gore tšohle ditšhaba tikologong di be di mo hlompha; go be go se na le dintwa, gomme e be e le selo se segolo, thuto go Jesaya.

<sup>34</sup> Gomme Jesaya a hwetša se sengwe gape ka mo, gore, Modimo o tla šegofatša bjang bona bao ba tla bago le therešo Lentšung la Gagwe le Melaong ya Gagwe. Usia o beile mohlala go Jesaya. Gomme e bile mmušo wa letago bjang!

<sup>35</sup> Gomme bjale fa re a hwetša, fao gore bopaki bja Mokriste, go sa kgathatšege gore bile bjo bogolo ga kaakang nakong ya go feta, bo swanetše go tšwelapele ka tsela yeo.

<sup>36</sup> Usia, ge a fihla lefelong moo a go gopola gore o be a bolokegile, nako yeo a thoma go phagamišwa ka pelong ya gagwe. A fihla lefelong leo go se nago le o tee a kgonago go mmotša se sengwe.

<sup>37</sup> Ge seo e se mohuta wa mohlala wa ba bantši kudu lehono! Le bile re se hwetša magareng ga baetapele ba rena—rena—rena ba BoKriste. Ba šoma bophelo bja bona ka moka, kgauswi, go ba mopišopo goba monna yo mongwe yo magolo wa khuetšo, gomme, ka pela ge ba fihla lefelong leo, ba kukegela godimo. Re hwetša baebangedi tšhemong, bao Modimo a šegofaditšego bodiredi bja bona, gomme, selo sa pele, ba tla mo ba kukegego go fihla ge ba fihla lefelong leo ba kwago gore—gore ba bolokegile, gohle go dikokologa ba bona—bona batho. Ba no ba...Ba fihlile lefelong fao ba kgonago go dira se sengwe le se sengwe ba se nyakago, gomme ba feta ka bjona.

<sup>38</sup> Ke ba bakae, makala, re no nagana ka gonabjale, ka banna ba bagolo, badiredi ba bagolo, bao Modimo a ba šomišitšego, gomme mafelelong ba tla lefelong go fihla ba e kwa gore ba tseba kudu ka Lentšu la Modimo, go fihla ba se sa na le nako ya go širela go yo rapela gape. Dinako ka moka ke diketelo tša segwera, go etela yo mongwe, go yaka ntle go ja. Gomme nako yeo ba swanetšego go e tšea le Modimo, a nnoši, a nnoši go itokišetša go tšwa ka bo bose bja Moya, pele ga phuthego, ba ka ntle mogongwe ka maithabišo. O ka se kgone go direla Modimo le motho ka nako e tee. Modiredi wa Modimo o swanetše go ba motho yo a hlaoletšwego, Yena feela. Ge re ka kgonaga go dira batho go bona seo.

<sup>39</sup> Gomme ka fao ba—ba fihla fao ba itirago go ba ka fase ga maikarabelo, ge ba kopana le batho. Ba kopana le batho, gomme fao go a tlamega go ba senyakwa sa *se* le senyakwa sa *sela*. Gomme ka nako yeo monna wa Modimo o hwetša mogopolo wa gagwe ka maka o kgeigile, gomme o gagogile ge a e ya phapošing ya gagwe. O thoma go ithuta, “Bjale ge ke sa dire *se*, monna *yo* o tla ikwa gampe ka sona. Gomme *se*, o seke wa dira *se*, monna *yo* o tla ikwa gampe ka sona.” Gomme ka nako yeo ge a eya platefomong, ga a tsebe mo a emego, mogopalo wa gagwe o kgeigile, ge a be a swanetše go fetša nako yeo le Modimo. Ga se baetapele ba tša leago. Monna wa Modimo o swanetše go ikgafela ka batlalo go tirelo ya Modimo. Gomme re hwetša gore go befile kudu—kudu gore re be nayo.

<sup>40</sup> Gomme selo se sengwe le segolo se re se hwetšago, ka gore ke lemoga gore ke bolela ke badiredi mosong wo. Gomme re rata...ke...ge re etla pele ga phuthego, re tseba se, gore mohlomongwe re ka se tsoge re kopane gape go swana le ka mo re lego ka gona lehono. Gomme ka fao dilo tše o di bolelago, Modimo o go swara boikarabelo ka tšona. Ka fao o swanetše go tla, o rapela o kgopela Modimo se o ka se bolelago, gomme ka nako yeo o ithekge ka Yena ge o eya platefomong, ka se sengwe seo o ka thušago batho.

<sup>41</sup> Rena ka moka re tseba ka monna, tšhemong lehono, monna yo mogolo. Ba bangwe ba bona ba fihla lefelong, go



fihla ka morago ga ge ba hweditše phuthego tša bona ka moka go ba dikologa, ba ikwela ba bolokegile go fihla ba nagana gore ba ka kgona le go no dira sebe gomme ba tšwela pele le sona. Re be re tseba badiredi ba ba tšerego tsela ye e fošagetšego. Gomme, dinako tše ntši, ke ka gore ba ikwa ba bolokegile, gore, “Oo, batho ba tla ntumelela ke tšwele pele ka se sengwe le se sengwe.” Batho ba ka dira, ngwanešu, eupša Modimo a ka seke. O a bona, o ya go araba pele ga Modimo. Ga wa swanela le gatee go leka, bjalo ka modiredi, go fora ditsebe tša phuthego ya gago, go sa kgathatšege gore ba kgona go goeletša go ba go hlaba mašata bjang, goba go tšwela pele, goba go go phaphatha ka magetleng, le gore, “Molaetša o a makatša.”

<sup>42</sup> O swanetše go ba modiredi go Kriste, go dula o hlomphegile le Lentšu leo, ka gore Lentšu leo le tla Iponatša ka wena, gomme o ya go huetša yo mongwe yoo a lebeletšego bophelo bja gago. Batho ba baswa, le bona. Borakgwebo, ka tsela ye e swanago.

<sup>43</sup> Kgoši o ile a phagama ka boikgantšho. O be a gopola gore o bolokegile go fihla ge Modimo a tla mo tlogela go tšwelela ka se sengwe le se sengwe.

<sup>44</sup> Yo moswa wa mengwaga e se mekae mošimane o rile, e sego kgale, Mokriste, o be a dira se sengwe, o be a kgonyoga lesoganyana tsoko la rock-and-roll yo e lego wa kereke ya gabo. Gomme ke be ke bolela kopanong ya Baswa Ba Kriste. Gomme lesoganyana le leswa la re, “O a tseba, ke kganyoga Semang-mang, ke nagana gore ke yo mongwe wa BaKriste ba medilego.” Gomme mošimane yo ke kgoši ya rock-and-roll.

<sup>45</sup> Gomme ka re, “Ke nagana gore go na le phapano e tee feela magareng ga monna yo moswa yo le Judas Iscariot. Ke gore, Judas o hweditše diripana tše masometharo tša silibere, gomme monna yo o na le sephethephethe sa Cadillacs le dimillion tša ditolara, ka go rekiša Kriste.”

<sup>46</sup> A re, “O ka bolela bjang selo se se bjalo ka se, Mna. Branham? O ka dira bjang seo?”

Ka re, “Ka baka la gore ke therešo.”

<sup>47</sup> Yeo khuetšo ya go opela koša tšeo tša BoKriste, le dilo tše bjalo ka tšeo, pele ga batho ba baswa, le go tšwela ka ntle lefaseng ka tsela yeo, o lahlela kota ya go kgopa ye kgolokgolo, bontši go feta matagwa wohle ba tšoenana se sengwe le se sengwe gape se se lego nageng. Ke go nyatšiša gore go tla ba, le bile go dumeletšwe. Kereke e swanetše go emelela le go se dumelele dipina tšeo go opelwa ke batho ka mkgwa woo. Ba tšea mpho ye Modimo a ba fago yona, gomme ba huetša, ka maphelo a bona a balela kudu go feta seo mantšu a bona a lego sona. Batho ba ka dira bjang dipapadi tše bjalo bjalo ka ge monna yo

a dira, gomme ka gona ba ema gomme ba opela dipina le dilo tše bjalo? Se ke sonasona sehlowa sa boikaketši. Gomme re hwetša gore seo se ya magareng ga BaKriste, badumedi.

<sup>48</sup> Gomme monna yo moswa yo a re, “Go lokile, ke go botša se ke se nagango ka yona.” A re, “Ke nagana gore—gore Modimo o nthata kudu go fihla A tla ntumelela go tšwela pele ka yona.”

<sup>49</sup> Ka re, “A ka se tsoge a dira seo. A ka se tsoge a se dirile. Le Israele, setšhaba sa Gagwe; le David monna ka morago ga pelo ya Gagwe, o ile a buna peu ye nngwe le ye nngwe ye a go e bjala. Gomme o tla se dira, le wena.” Yo mongwe le yo mongwe wa rena o tla dira seo. Re tseba seo.

<sup>50</sup> Eupša o ile a kukega kudu ka pelong ya gagwe! Bjale ke rata go bolela lentšu le go Full Gospel Business Men. O ile a kukega ka pelong ya gagwe, go fihla ge a gopola gore a ka tšea legato la modiredi. O lekile go ba modiredi, seo a bego a se a biletšwa go ba sona. Gomme gore ka dinako tše ntši gore nako tse dingwe monna mo maemong a, le sehlopha sa borakgwelo, ba—ba fihla lefelong leo Modimo a ba šegofatšago kgwebong ya bona, gomme a ba dira gore ba atlege, le go ya pele, go fihla ge ba fihla lefelong ba nagana gore ba swanetše go rera le, Ebangedi. Gomme seo ke phošo. Seo ke phošo. O swanetše go dumelela modiredi go dira boreri, ka gore, bjalo ka ge Oral Roberts nako ye nngwe a rile, “Ke mo go thata kudu go boloka selo ke badiredi se hlwekile, ga re sa bolela monna yo a sego a biletšwa afisi yeo.” O a bona, le swanetše go ba le monna fao yo a tsebago, gomme ba hlaoletšwe mošomo.

<sup>51</sup> Se se a se netefatša. Gore, o, re hwetša gore monna yo, e le monna yo mogolo, monna wa go loka, monna wa go hlomphega, eupša o ile a tšea di—dibego, le meruswi, gomme a ya aletareng ya Morena, go tšhuma diorelo pele ga Morena, seo e lego sa moprista yo a hlomamišetšwego go dira bjalo. Eupša a gopola, gore Modimo o mo ratile kudu, gomme—gomme O mo loketše, go fihla mo a yago go se dira, le ge go le bjalo. Gomme moprista a kitima ka morago ga gagwe, a re, “Ga se wa hlomamišetšwa ofisi yeo. Modimo o a gana gore mang goba mang a ka tsena ka fao, ge e se Molefi yo a šegofaleditšwego tirelo yeo.” O se ke wa be wa dira seo.

<sup>52</sup> Gomme seo ke tsela dinakong tše ntši, seo, ke nagana gore se lahlatše lefase lehono motlhakahlanong, go fihla ge monna a etšwa gomme a leka go tšea mafelo ao ba sego ba hlomamišetšwa go a dira. E fihla lefelong moo ba—ba lekago go phethagatša ofisi ye, gomme ga se ba biletšwa lefelo leo.

<sup>53</sup> Bjale re hwetša gore, le ge e le monna wa go loka, a šegofaditšwe ke Modimo; eupša, ge Modimo a go segofatša, o dula ka legorong leo Modimo a go bileditšego ka go lona. Ge e le mohumagadi wa lapa, dula o le mohumagadi wa lapa. Ge e le kgwebong, dula ka kgwebong yeo, o bonagatša Modimo.

Gomme se sengwe le se sengwe seo Modimo a go bileditšego go se dira, a e be seo. Ka gore, O go nyaka gore o be mohumagadi wa lapa wa nnete, go bonagatša khuetšo ya gago godimo ga yo mongwe motho yo a ka nyakago go ba mohumagadi wa lapa wa go loka. Ge o le rekgwebo wa go loka, a nke bophelo bja gago bo be ka fao bo tlogo go bonagatša Jesu Kriste ka kgwebong ya ya gago, ka botshepegi le go loka, le ka dilo tšeo ka nnete di bolelago se sengwe. Ka baka la gore, yo mongwe o lebeletše bophelo bja gago. O huetša yo mongwe. Modimo o swanetše go ba le mohumagadi wa lapa wa nnete. Modimo o swanetše go ba le moswa wa nnete ka sekolong. Modimo o swanetše go ba le—le—le modiredi wa nnete, rekgwebo wa nnete, yo mongwe yo a ka Mmonagatšago. Ka baka la gore, fao ba bona, ka go wena, Kriste. Ga go tshwenyeye gore lefase ka moka le swanetše le dire eng, seo ga se na le le setee se se se dirago ka wena goba nna. Re na le boikarabelo go Modimo bja maphelo a rena, le ka boitemagelo bja rena le Kriste.

<sup>54</sup> Bjale, re hwetša gore ka go leka ga gagwe go tšea leemo la modiredi, gomme yo mongwe a mmoditše gore o tšwele lefelong, a mmotša gore ga a swanela go dira seo, o “tšwele lefelong,” o a befelwa. A befetšwe, o be a befetšwe go fihla ge sefahlego sa gagwe se fetoga se sehubedu.

<sup>55</sup> Le a bona, re swanetše go kgona go ema gomme re tšee diphošollo. Ba bangwe ba bona ba ka se se dire. Le ka se kgone...Ke ile dikopanong gomme ke dula ka diauditoriumong, gomme—gomme o a emelela. Gomme batho ba bongwe ba no tsena ba dula fase metsotso e se mekae, gomme ge oka bolela lentšu le letee leo ba sa dumelelanego le lona, [Ngwanešu Branham o thwantšha monwana—Mohl.] ba ile, ba fofela godimo.

<sup>56</sup> Go lokile, seo, le a tseba seo se diregilego go Hezekia a dira seo, goba—goba Usia, ke rata gore? Modimo o mo iteile ka lephera. Monna o hwile ka lephera la gagwe, leo e lego sešupo sa sebe. Ga se a ke a kgona go ema a phošollwa ke Lentšu.

<sup>57</sup> Gomme dinakong tše ntši, lehono, ke selo se se swanago. Ba re, “Go lokile, kereke ya ka ya leina e dumela se, gomme ga ke e le hloko!” O a bona? Tšea nako go fetleka Lentšu. Modimo a ka seke a tsoge a ahlotše lefase ka kereke ya leina, O tla ahloa lefase ka Lentšu la Gagwe. Gomme Lentšu la Gagwe ke Kriste, gomme Kriste ke Lentšu. Ba a swana, “maabane, lehono, le ka go sa felego,” BaHeberu 13:8. Eupša, go na le gore ba tšee go phošollwa, ba fofa ba tlemologa. Ga ba kgone go Le emela. Ba no . . .

<sup>58</sup> Seo ke thwii seo Usia a se dirilego, monna wa go loka. Le re, “Go lokile, motho yoo o be a . . .” Usia e be e le motho wa go loka, le yena, motho yo mokaone, monna wa go-šegofatšwa ke Modimo. Eupša, ga go molato seo a bego a le sona, o swanetše

gore dinako ka moka a dule lefelong la gagwe. Ka gore, Modimo o mo file mongetla wa go huetša ba bangwe ka go ba kgoši ya go loka, e sego moprista. Gomme Lentšu le a mo ganetša go dira seo, gomme o ile a tsena gomme o be a eya go dira dibego. Gomme ge a biletšwa fase, Lentšu le ile la neelwa yena, gore o be a se a swanela go dira selo seo; gore Modimo o be a mo šegofaditše ka kgwebong ya gagwe, gobe e be e ka ba eng, eupša e sego go leka go tšea lefelo le la moprista. O be a tšwetše ka ntle ga Lentšu. Go lokile, o be a e ya go se dira le ge go le bjang, go se molato gore mang o rile eng.

<sup>59</sup> Bjale a ga se mokgwa wa batho ba bantši lehono? Ba ka se tšee phošollo ya Lentšu. Gomme ke ka lebaka leo re ikhwetšago re phuthetšwe ka gare ga Lekgotla le legolo la Dikereke mo, re sa tsebe moo re yago, re lebantše ka lefaseng. Masome a dikete tša maloko a oketšega ngwaga wo mongwe le wo mongwe, gomme ga re bone seatla sa Modimo se sepele mogohle. Bahu, baihlophi, ka wona mokgwa wo Beibele e rilego ba tla ba, “Nako ya Laodikia, bololo, e tshwelwe go tšwa molomong wa Modimo.” Kriste ka ntle, o leka go tsena ka gare, gomme kereke ka gare ga e Mo dumelele go tsena; se bea seswantšho sa lehono, tlwa. Ka gore, monna ga ba kwišiše gore leemo la bona le tšwa go Lentšu, Lentšu la Modimo.

<sup>60</sup> Gomme Usia o be a swanetše go tšea temošo. Bjale, gopola, re a mmitša, lehono, MoKriste yo Modimo a mo šegofaditšego. O be a sa no ba monna wa mehleng. E be e le monna yo a šegofaditšwego ke Modimo, eupša a seke a nyaka go emela phošollo. Go se na le molato gore ke ga kaakang Lentšu le rile go be go le bjalo, ga se a ke a nyaka go Le kwišiša, ka gore a ikwa a bolokegile mo go lekanego gore Modimo o tla mo lesa go fela le se sengwe gape.

<sup>61</sup> Gomme seo e lego molato ke seo ka batho ba rena lehono go dikologa lefase, gore batho ba nagana gore Modimo o tla ba lesa ba feta ka se sengwe se lego kgahlanong le Lentšu le. A ka seke a se dira. Re swanetše go boela morago diphošollong, le go emela phošollo ka Lentšu. Gomme ka baka la tsela ya gagwe ya bonganga yeo a dirilego, la sa ele hloko go seo modiredi a bego a ka se bolela. O be a ka dira se a bego a nyaka go se dira. E no nagana, bjale e no emiša seo ka kgopolong ya gago motsotso.

<sup>62</sup> Ka bobjang ngwana a ka lebana le tatagwe le mmagwe, ba bomodimo; moswa a ka lebelela bjang ka sefahlegong sa mokgekolo wo bomodimo, wa moriri woo o fetogago wo mosehla; gomme a re go moswa yo, “Moratwa, mma o go godišitše ka tsela ye e fapanego”? Gomme o a bona morago go theoga le bophelo, seo a se diretšego mma. O seke wa dira seo, gomme wa fetoga senganga gomme a re, “Tšea bodumedi bja gago, gomme o sepele, ke tla dira se ke nyakago go se dira.” Na ditla morago tša moswa wo ke eng, go diregile eng go yena? O

ile. Ba lahlegile, semoyeng, mekgweng, makgeng a mantši nameng le mogopolong. Ba repilwe go tšwa mogaung ka go felela. Go lokile, ka gona, seo e tla ba selo sa go befa go moswa wa mošimane goba mosetsana.

<sup>63</sup> Bjale nagana ka monna goba mosadi, go theoga ka mo bodireding, goba MoKriste yo a ipitšago ngwana wa Modimo, gomme ba lebelela ka Molaong wa Modimo, gomme ba retolla magetla a bona, gomme ba re, “Kereke ya ka ya leina ga E dumele ka tsela yeo.”

<sup>64</sup> Re nyaka BaKriste ba khuetšo, ba hueditšwego ke Lentšu la Modimo. Babitšwa ba banna goba basadi, go—go huetša Kereke ye e kgethetšwego matšatšia mafelelo, ke seo re se nyakago. Modimo, re fe sona! Gomme ba tla ba fao. Ba ya go ba.

<sup>65</sup> Re hwetša gore Usia, ka baka la manganga a gagwe, o ile a itiwa ka lephera. Ga se a ke a hlwe a fola. Ga se a ke a fola. O ile a swanelwa ke go ikarogantšha go tloga Bogoneng bja Modimo, gomme a hwela ngwakong wa balephera.

<sup>66</sup> Oo, mothaladi wola, karoganyo, mothaladi wola moo banna le basadi ba ka kgonago go tshela ga bonolo! Wola mothaladi wo mošimane yo moswa goba mosetsana a ka kgonago go o tshela, magareng ga kahlolo le mogau. Ka moka ga rena! Mothaladi woo borakgwebo ba ka kgonago go o tshela! Yo mongwe le yo mongwe wa rena a ka kgonago go o tshela, magareng ga botse le bobere. Gomme, elelwa, Lentšu la Modimo dinako ka moka ke selo seo e lego therešo. “Mantšu a batho ka moka a e be a maaka, eupša Laka e be Therešo,” go rialo Modimo.

<sup>67</sup> Bjale, o be a tlapirigantšwe. Gomme ge Jesaya yo moswa a bona se, e bile thuto ye kaakang go yena nako yeo! Go bona gore, monna yo a tšwago lefelong la la gagwe, moswa goba motšofadi, yo a tšwago lefelong la gagwe o swanetše go tlaišegela dipoelo. Go sa kgathatšege gore Modimo o mo segofaditše ga kaakang, o sa no tlaišegela dipoelo.

<sup>68</sup> Gomme Jesaya o ithutile ka se, thuto ye kgolo. Ke eng? Gore Modimo o laela monna wa Gagwe go ya lefelong la gagwe.

<sup>69</sup> Monna a ka se itaele go ya lefelong. Modimo o swanetše go laela lefelo la gago. O seke wa lebala seo. Modimo o go laela go ya lefelong la gago, gomme a seke (le ga tee) a leka go tšea la yo mongwe lefelo. O se ke wa leka go ba se sengwe seo o sego sona.

<sup>70</sup> Bjalo ka ge monna wa Congress Upshaw nako ye nngwe a ile a re; yola a ilego a fodišwa ka kopanong, Modimo a ntumelela go bona pono godimo ga gagwe ka California. E be e le segole mengwaga ye masome tshela tshela, gomme a fodišwa

ka bonakwana, ka megau ya Modimo. A lahla dikota tša gagwe tša go sepela, le setulo se gagwe sa kgale le dilo. O be a le gona mo Shreveport, ke a nagana, gomme a paka. O be a fela a e ba le palelo ye.

<sup>71</sup> E be e le mosenatoro, ke a dumela, goba se sengwe, mengwaga ye mentši, le monna wa congress go tšwa Georgia. Gomme e be e le moemedi wa kereke ya Baptist ya Khantshele ya Baptist ya Borwa. Gomme nako yeo—gomme nako yeo o ile a ya gomme a phenkğišanela Bopresident, godimo ga thekethe ya go oma, gomme a fenngwa ka baka la seemo sa gagwe. Gomme bošego bjoo. . . ga se ka ke ka kwa ka monna, le ga tee. Ngaka Roy Davis, yo a go bea diatla godimo ga ka go ntlhomamišetša kereke, ya Baptist ya Boromiwa, o ile a mo romela go nna. Gomme ge a tsena ka gare kopanong, Moya wo Mokgethwa fao, go na le batho ba dikete ba dutše, wa mmitša ka leina, wa mmotša seo a bego a le sona le gore Morena o mofodišitše. Gomme a tla sefaleng, ka ntle le kota tša go sepela, goba ditlemo, ka ntle le selo se sengwe. A fihla fase, ka mengwaga ye masome šupa le metšo ka bogolo, gomme a swara menwana ya gagwe, pele le morago, a lokolotšwe ka go felela. Gomme e be e le seboledi, gomme monna yo mogolo e be e le yena. Na o . . .

<sup>72</sup> Sedi tše dingwe tša dika tša gagwe, “O ka se kgone go ba se sengwe seo o sego sona.” Go kwala e le nna ke bolela seo, e sego monna wa congress. Eupša seo e be e no ba . . . E be e le Motšwaborwa, gomme o be a fela a šomiša seka sa gagwe ka gore e be e—e le monna yo a lekago. Gomme e be e le khuetšo ye kgolo go batho, gomme e le monna wa bomodimo. Gomme o hwile ka tsela ye e swanago, mengwaga ye mentši morago. Ge a be a eme materapong a White House, kopanong ya Billy Graham, gomme a opela, “Go Itshama Godimoga Letsogo La Kagosafeleng,” pele ga batho go tšwa lefaseng ka moka. Bjale bona . . .

<sup>73</sup> Modimo o laela monna wa Gagwe, gomme o ka se kgone go tšea lefelo la yo mongwe. Ge o ka dira, o no tšweleletša kekišo ya nama, gomme mafelelong e ya go tlapiriganngwa. O a bona, o ka se kgone go e dira. Modimo o go laela go ya lefelong la gago. Jesaya o bone se, gore a be a ka se kgone go bea tshepho ya gagwe go monna yo mongwe. Moo go be go le monna yo mogologolo yoo a kilego a ba gona lefaseng, ka nako yeo, kgoši yeo e bego ena le lefase lohle le mo fa tlhompho; eupša ka gore a tšwele lefelong la gagwe, Jesaya o ile a bona nako yeo gore o be a ka se kgone go tshepha letsogo la nama, gomme sa gapela moporofela tempeleng, go rapela.

<sup>74</sup> Oo Modimo! Ge kereke, ge batho ba ba ipitšago BaKriste, ba ka no kgona go bona lehono, gomme sa kgona go ba gapela aletareng mo gongwe go rapela. O ka se kgone go ba se sengwe se o sego sona.

<sup>75</sup> Nako yeo re hwetša ka . . . ka tempeleng, ge a be a rapela. E le moporofeta, modirelo wa gagwe e be e le go bona dipono. O be a belegwe ka tsela yeo, gabotse, go ba moporofeta. Gomme o be a nyaka kgwatho go tšwa go Modimo. Gomme Modimo o be a mo hlomamišeditše go—go ba moporofeta. Gomme pono ka tempeleng, o bone Kgoši ya nnete, ponong. O bone Modimo a phagamišeditšwe godimo, godimo ka godimo ga Magodimo ka moka, gomme morumo wa Gagwe wo mogolo o tletše lefase le magodimo le lefaufau. O bone Mohlala wa therešo. Ka mantšu a mangwe, Modimo o rile, “Lebelela godimo ka *tsela ye*, Ke nna Mohlala wa gago.”

<sup>76</sup> Gomme ge re ka no kgona go dira seo, ka bodireding bja rena! Ke botša badiredi, le borakgwebo, baswa. Badiredi, ge re kgona feela go dira seo! Ke rata go ba Billy Graham. Ke duma ge nka be ke na le thuto le go tseba-bjang, go—go bea dilo mmogo bjalo ka ge Billy Graham a dirile. Eupša nka se kgone go ba Billy Graham, eupša le Billy Graham a ka se kgone go ba nna, le yena. O a bona? Re, yo mongwe le yo mongwe, re na le lefelo ka go Kriste. Gomme go leka go ekiša Billy Graham e tla no ba feela selo se se swanago le seo Usia a se dirilego, se tla no fetša ka tsela ye e swanago ya kotse. E no ba se o lego sona, seo Modimo a go dirilego go ba sona.

<sup>77</sup> Bjale, Jesaya e be e le moporofeta, ka ao o ile a ya tempeleng gomme a bona Mohlala wa nnete, Modimo. Hlokomela Basarafimi ba Legodimo, ge ba be ba fofa go kgabaganya tempele. Bjale, Mosarafimi ke—ke lentšu la maatla. Gomme ga se Morongwa, eupša Ke . . . Seo A le go sona, Ke Motšhumi wa dihlabele. Ke, Ke se sengwe se se sepelelanago le poelano, ka gore O neela dihlabele, go dira tsela ya modira dibe yo a sokologago, go ya teroneng ya mogau. Ao maemo, a godimo go feta Morongwa, bogolo go feta Morongwa! Ka gore, Barongwa ba ema morago. Eupša Basarafimi ba ya pele ka diloba, thwii ka Bogoneng bja Modimo; Motšhumi wa . . . mo—mo Moneedi wa thapelo ye e dirilwego; Motšhumi wa sehlabele. Gomme šeba, ba be ba e ya go kgabaganya tempele, ba gowa, “Mokgethwa, mokgethwa, mokgethwa, ke Morena Modimo Ramaatlaohle.” Gopola ka seo, ka tempeleng, pele ga moporofeta yo moswa yo!

<sup>78</sup> Pelo ya gagwe e ile ya robega. Kgoši ya gagwe e lekile go tlatša lefelo la gagwe, ka go leka go tšea lefelo la modiredi, gomme a fennwa ka go felela ke Modimo, gomme a itiwa ka lephera; gomme—gomme mohlala wa gagwe wo a bego ao lebeletše, monna.

<sup>79</sup> O seke wa tsoga wa tshepha monna. Ga ke tshwenyeye gore ke mang. Ge e le monna yo mokgethwa, ge a lokile . . . Ga go na le selo se se bjalo. A ke phošolle seo. Ga go monna yo mokgethwa. Ga go na le kereke ye kgethwa. Ga go na le selo se se bjalo. Ke Modimo yo Mokgethwa, e sego monna yo

mokgethwa. Ke Moya wo Mokgethwa. Petro nako ye nngwe o boletše, “thaba ye kgethwa,” Godimo ga thaba ya Tagafalo. E be e se thaba yeo e bego e le ye kgethwa; e be e le Modimo yo Mokgethwa yo a go gahlana le bona thabeng. Ga se Kereke ye kgethwa; ke Modimo yo Mokgethwa ka Kerekeng yeo. E sego monna yo mokgethwa, eupša Moya wo Mokgethwa wo o šomago ka monneng yoo. Monna o tla hlolega. Ke mohlolegi sa mathomo, yo mongwe le yo mongwe. Bona ba bagologolo ba banna ba a wa. O seke wa tsoga o beile kholofelo ya gago le... go dira monna yo mongwe mohlala wa gago. Lebelela go Modimo. Kriste ke Mohlala wa gago.

<sup>80</sup> Gomme re hwetša gore o ile a tšea mogopolo wa gagwe bjale go tloga go Usia, kgoši yo a bego a mo rata gabotse. Gomme o ile a lebelela godimo gomme a bona seo a swanetšego go se kwišiša, go ba moporofeta; gore Modimo, Modimo a nnoši, o buša ka maphelong a banna ka Kerekeng ya Gagwe. Gomme re a mo lemoga bjale, go diregile eng.

<sup>81</sup> Re hwetša Baserafimi ba, ba be ba na le diphego tše di seelago; tše pedi go apeša difahlego tša bona, gomme tše pedi go apeša maoto a bona, tše pedi ba be ba fofa ka tšona; go kgabaganya tempele, ba goelela, “Mokgethwa, mokgethwa, mokgethwa, ke Morena Modimo Ramatlaohle. Mokgethwa, mokgethwa, mokgethwa, ke Morena Modimo Ramatlaohle.” Ba be ba goelela mosegare le bošego, ka gore ba Bogoneng bja Modimo.

<sup>82</sup> Le bona se Modimo a bego a botša, Jesaya go se bona? Bokgethwa, bohlekwedi bja Modimo, le boithobo bjo re swanetšego go bo dira Bogoneng bja Gagwe.

<sup>83</sup> A nke re hlahlofe pono ye dinako di se kae, pele ga ge re tswalela. Se sengwe le se sengwe sa diphidi tše, se na le diphego tše di seelago, re a bona. Re ya go tšea diphego tše, pele. “Ka tše pedi o be a ipipa sefahlego.” Ka baka la eng A be a dira seo? Nagana ka sona! Le Basarafimi ba bakgethwa, Bogoneng bja Modimo, ba swanetše go pipa difahlego tše kgethwa tša Bona, go ema Bogoneng bja Gagwe. Bao ba sego ba ka ba tseba sebe, ba sego ba ka ba dira sebe, ba ka seke, ga go tsela ya Bona go dira sebe, eupša go le bjalo, ka Bogoneng bja Modimo, ba apeša difahlego tše kgethwa tša Bona.

<sup>84</sup> Gomme ka gona rena, ba ba hwago, ba go tlala sebe, batho ba go senyega, re tla leka go bea se sengwe ka gare, le go oketša go Lentšu la Gagwe le go morero wa Gagwe, gomme re fetiša kahlolo godimo ga babangwe ba bona bao ba lekago go latela seo Morena a rilego re se dire; ga go tlhomphego go Lentšu la Gagwe, “Ke a tseba Lentšu le re seo, ‘eupša o swanetše go tswalwa gape,’ eupša ke go botša seo ke se gopolago!” Ga o na le mogopolo wo o tlogo. Modimo o boletše, gomme seo se a e fetša.



<sup>85</sup> Petro o rile, ka Letšatši la Pentekoste, “Tshephišo ke ya lena, le go bana ba lena, le ba ba lego kgole, le ba bantši bao Morena Modimo wa rena a tlogo goba bitša.” Na tshephišo e be e le eng, ya eng? Moya wo Mokgethwa wo wa go tšhollwa. Ke eng se sa go makatša batho? Ka gore ba ba kwele ba bolela ka maleme ao ba bego ba sa a tsebe, gomme ba be ba thekesela bjalo ka monna yo a tagilwego, ka fase ga khuetšo ya Moya wo Mokgethwa. Gomme ba be ba kwera, ba dira metlae. Gomme Petro a re, “Tshephišo ke ya lena,” ge ba be ba nyaka go sokologa, “le bao ba lego kgole, ba bantši ba Morena Modimo wa rena a tlogo go ba bitša.”

<sup>86</sup> Ba ba kae? “Ba bantši ba Morena Modimo wa rena a tlogo go ba bitša.” Bjale, kereke e ka go bitša, letswalo la gago le ka go bitša. Eupša ge Modimo a go bitša, O tseba ka mokgwa wo a ka apešago mohlanka wa Gagwe.

<sup>87</sup> Monna wa go tlala sebe, wa bosekolo, wa go rutega, wa khuetšo kerekeng tša bona tša maina, o ema ka seaparo sa gago sa kereke ya leina gomme o leka go lahlela se sengwe ka Lentšu lela la go hlweka la go se otsofatšwe? Gopola, Lentšu ke Modimo. Gomme ge Mosarafimi, yo a sa tsebe go sebe, a swanetše go ikapeša sefahlego sa Gagwe, gore a ema Bogoneng bja Modimo, re ya go nyarela bjang Letšatši leo; ge re ema Bogoneng bja Lentšu la Gagwe, leo le rerilwego gomme ka batlalo la be la hlatselwa ke Moya wo Mokgethwa, gomme o sa sepela o tloga gomme o re, “O re ke ke kopano ya megopolo ya batho goba Se sengwe se se bjalo”?

<sup>88</sup> Na go diregile eng go kgoši ye, monna yo mogolo, modumedi, monna mošegofatšwa ke Modimo? O ile a itiwa ka lephera, leo e lego seka sea sebe, go se dumele. Ga go na le sa go le fodiša; ke Kriste feela. Gomme O hwile ka seemo sona seo.

<sup>89</sup> Bjale batho ga na le tlhompho go Yena. Ka baka la eng batho ba sa hlomphe Modimo? Tlhompho e be e le feela ya Modimo, e boletšwe gabedi ka Beibeleng yohle, dinako tšohle e e ra Modimo. Hlokomela, lebaka leo ba sa e dirego ke ka baka la gore ga se ba fenyega ka botlalo gore ke Modimo. Ga se ba fenyega ka batlalo.

<sup>90</sup> Usia le yena; o be a se a fenyega ka botlalo gore Modimo o bolokile Lentšu le lengwe le le lengwe. Ka gore Modimo o mo šegofaditše, a gopola, “Seo se a nkgotsofatša. Ge ke hweditše tšhegofatšo go tšwa go Modimo, nka kgona go dira se ke se ratago.”

<sup>91</sup> O ka se kgone go se dira. O ka se kgone go se dira. Lena, baswa, le ka se kgone go se dira, go sa kgathatšege gore o tsebalega ga kaakang, o mosetsana yo makaone, goba mošimane yo mokaone, sebini se se botse. Ka fao sekolo ka moka se go thabelago, o—o thophile thušo ya sekolo, tšeo ka moka di lokile. Ga go na le selo kgahlanong le seo. Tšeo di

lokile, eupša o seke wa gopola gore o ka kgona go gatakela godimo ga Lentšu la Modimo gomme wa feta ka sona. O seke wena modiredi wa gopole gore o ka se dira gomme wa feta ka sona. Ga go le yo matee wa rena a yago go se dira. Lena bahumagadi ba malapa, goba le na borakgwebo, rena ka moka re ya go araba go Modimo, ka Lentšu la Gagwe. Jesaya o be a ithuta se. Ga ba na le letswalo ka Bogona bja Gagwe.

<sup>92</sup> Go tla re putsa bjang, lehono, go theeletša seo David a se boletsego. O rile, “Morena dinako tšohle o pele ga ka.” O tlemeletše Melao ya gagwe godimo ga dijakwana le—le godimo ga kota ya malao, gomme o—o e beile mo gohle. O bile o e tlemeletše le ka pelong ya gagwe, o ikemišeditše ka pelong ya gagwe gore o be a ka se dire sebe kgahlanong le Modimo. O dutše ka go se šišinyege le Lentšu pele ga gagwe. Ke ka lebaka leo a itšego, “Nka se šuthišwe,” ka gore, se sengwe le se sengwe se a se dirilego, o be a na le Lentšu pele ga gagwe. Gomme seo ke seo re swanetšego go se dira ka mehla, taelo ya Modimo.

<sup>93</sup> Bjale, O be a ipipa sefahlego sa Gagwe ka gore Modimo ka moka ke yo mokgethwa, gomme O be a goelela, “Mokgethwa, mokgethwa, mokgethwa.”

<sup>94</sup> Bjale a re tšee, sa bobedi, O be a na le kapešo ya diphego tše pedi godimo ga maoto a Gagwe. Naa seo se ra go reng? Boithobo Bogoneng bja Gagwe.

<sup>95</sup> Seo ke selo se se thata go monna yo a hweditšego maemo. Seo ke selo se thata go mosetsana yo moswa yo a lego botse. Seo ke selo se se thata go mošimane yo moswa yo a tsebalegago sekolong, naletšana ka kgwele-ntlatlana.

<sup>96</sup> Oo, lesoganyana le leswa, Modimo a ka kgona—kgona go go šumiša, ge o ka no Mo dumelela go se dira! Yo moswa mosetsana, wena wa tebelelego ye kaone ya bobotsana bjo bonnyane bja sehumagadi bjo Modimo a go filego bjona, ka baka la eng o sa bo šomišetše khuetšo go ya Mmušong wa Modimo, go seo Modimo o go fetšego bjona, maatlā ao a bosadi. Bo šomiše ka tsela yeo, o—o tlamegile go tšwelela gabotse, ka seo. Eupša ye nngwe tsela, o swanetše go feila, o a bona, o tla—o tla ba mopallwi wa mafelelo. Modimo o go dirile, gomme ga go yo mongwe gape yo a ka kgonago go tšea lefelo la gago, ga go yo mongwe yo a kgonago go tlatša lefelo leo. O swanetše go ba ka tsela yeo.

<sup>97</sup> Bjale, ba ikokobeditše Bogoneng bja Gagwe, Basarafimi ba, ba kokobetše Bogoneng bja Gagwe.

<sup>98</sup> Go swana le Moše, ge Moše e be e le yo mogolo, monna wa bohlale, re kwišiša gore o be a kgona go ruta Ba Egepita bohlale, saentshe, le bohlala bjo bogolo bja Egepita.

<sup>99</sup> Ga se ra ke re phenkgišana le yona le bjale, ka saentshe ya rena. Ga re age diphramiti, le a tseba, matšatšing a lehono. Ga

se nke re kgona go bea e tee ye e swanago le yona, mo bogareng bja lefase, moo, go sa kgathalegego gore letšatši le kae, ga go na le morithi go e dikologa. Gomme re ka se kgone go aga meago ya mafekefeke, goba tše dintši tša tšeo. Le gona re ka a se kgone go dira seomeletši, lehono, seo se ka mo dirago a bonagale a le tlhagong ka morago ga mengwaga ye sekete. Feela diiri di se kae ke ka moka seo re ka kgonago go boloka setopo. Ba be ba na le seela nako yeo, ba be ba kgona go tlotša ka sona, seo re sa tsebego selo ka sona. Mmala wo o sa lahlegelwego ke mmala; wa wona bjo bontši bja bokgabo bjoo ba bego ba na le bjona, le saentshe, tšeo re se nago nayo.

<sup>100</sup> Theeletšang, batho ba baswa, le phela ka kholetšheng toropong mo, goba toropong moo...gomme ke phela yunibesiting toropong. Gomme saentshe e lokile, ge feela e sa tšwele ka ntle ga Lentšu la Modimo. Eupša, ke rata go tseba, saentshe ga e kgone go go fa bophelo. Saentshe eka kgona go go botša ka goo gore. . .

<sup>101</sup> Gomme—gomme selo se sengwe, saentshe e swanetše gore dinako ka moka a tšee morago, gantši, seo ba rego se netefaditšwe ka mokgwa wa saentshe. Le a tseba, ke tšwa go bona letšatši le lengwe, mo-mophorofesa wa saentshe a bolela, gore bjale gore ba netefaditše gore marapo a ba a epilego, gomme o re ke a bokgale bja dimilione tše lekgolo tša mengwaga. Mengwaga ye mebedi ya go feta, ba hweditše gore ke meetse a letswai ao marapo a bego a robetše ka go wona. Ga go na le se sengwe, lefelong le lengwe go saentshe go ba se sengwe, se ka rego lefase le ka godimo ga dikete tše ditshelago tša mengwaga ka bokgale. Le a bona? Tlorini le dilo ka meetseng di fokoditše lerapo ka mokgwa woo, wo o tla le beago, wa le dira gore le lebelelege bjalo ka ge o ka re ke la bokgale bja milione wa mengwaga. Eupša ga le bjalo. Eupša o nagana gore ba tla kwalakwatša seo? Aowa, mohlomphegi. Ba ka se bušetše morago se ba se boletšego.

<sup>102</sup> Eupša Beibele še, ngwanešu, kgaetšedi, le ngwanešu yo moswa goba kgaetšedi, gore Modimo a ka seke a be a tšeela morago seo A se boletšego, ka gore Ke Therešo, dinako ka moka Therešo. Ke nnete dinako ka moka. Ge Modimo a boletše selo se sengwe, go ra seo.

<sup>103</sup> Ke be ke bolela e sego kgale ka kopanong, gomme sogana le lengwe la re, la nkgahlanetša ka ntle, la re, “O—o gobola mohlare wo o fošagetšego, mogwera.” O rile, “Lefase mo, ‘Ke dikete tše ditshelago, tša mengwaga ka bokgale.’”

Ka re, “Lenaneo la lefase le gabotse, dikete tše tshela tša mengwaga.”

<sup>104</sup> A re, “Lebelela,” a re, “Beibele e ile, a—a, ‘Modimo o hlotše magodimo le lefase, ka matšatši a a selego.’”

Ka re, “Ga se A dira seo.”

105 Genesi 1, O rile, “Mathomong Modimo o hloedile magodimo le lefase.” Lebaka! O e dirile nako ye kae, ga ke tsebe, ga go yo mongwe gape yo a tsebago. Modimo o dirile seo. Seo ke nako. Seo ke mafelelo a lefoko. “Gomme,” ge A thoma go le šomiša, “lefase le be le se na le sebopego, gomme le gobelane, gomme meetse a be a le godimo ga botebo. Gomme Moya wa Modimo o sepela godimo ga meetse.” Eupša Genesi 1, e rile, “Modimo o hlotše magodimo le lefase, mo mathomong.” Ke seo ka moka. O seke wa lwa ka seo. Ke no se dumela. Ke seo ka moka. Modimo o le hloedile. Ga se taba ya ka go tseba. Ke thabile o le dirile, gomme a ntumelela go phela mo lebakanyana. O na le le lengwe, le leswa moo go dulago toko.

Tshepho yaka ga se ya agwa go se sengwe go  
Feta Madi a Jesu ka toko.

106 Ga go thutamalayabatho, kereke ya leina, ga go mohlala wa monna; ke nyaka Kriste, gomme Yena a nnoši. Ke seo re swanetšego go ba le sona.

107 Go kokobela. Moše, monna wa bohlale; eupša ka Bogoneng bja sethokgwa se se tukago, o ile a rola dieta tša gagwe. O be a le mobung wo mokgethwa. A ikokobetša! Boikokobetšo. Seo ke se go ikapeša maoto e bego e le sona, boikokobetšo.

108 Lebelela Paulo, moithuti yo mogolo wa bohlale; o rutilwe ka fase ga Gamaliele, yo mongwe wa barutiši ba bagologolo ba BaHeberu ba letšatši la gagwe. Wo mokaone, wa bohlale, ka grata ya kholetšhe, gomme o be a gopola gore o e tseba yohle. “Gomme sehlopha se sa batho se se bego se tšwelapele ba be ba se selo eupša batho ba go gafa, digafa,” gomme o be a na le ditaelo go tšwa go moprista wa gagwe yo mogolo, go ya tlase le—le go ba swara ka moka, tlase Damaseko. Gomme letšatši le lengwe, tseleng go theoga, o tla Bogoneng bja yo Motee a swanago yo a boletšego le Moše sethokgweng se se tukago, Pilara ya Mollo. Ke eng se Paulo a se dirilego, ke ra gore Soulo? O ile a wa ka sefahlego sa gagwe, ka boikokobetšo; go tloga maotong a gagwe, go wa ka sefahlego, ka boikokobetšo.

109 Ke eng se Johanne Mokolobetši a go se dira, monna yo Jesu a ilego, “Go be go se na le monna yo a belegwego ke mosadi wa go swana le yena, goba a be go a ka kgona go bapetšwa le yena, go fihla ka nako yeo?” Moporofeta yo mogolo wo, a kgethilwego ke Modimo pele ga go thewa ga lefase; a bolela ka yena, makgolo a lesomepedi le šupa la mengwaga pele ga ge A etla, goba makgolo a šupa le mengwaga ye lesomepedi, nka re, pele A etla lefaseng, ke moprofeta Jesaya mo. Ke eng se A go se dira ge A bona Monna a etla a sepela go theoga go tšwa lesabeng, gomme a lebelela godimo gomme a bona Mollo wola o etla fase go tšwa Legodimong, ka sebopego sa leeba? A goelela, “Ke nyaka go kolobetšwa ke Wena.”

110 “Ke swanetše go boela; O swanetše go gola.” Modimo ga a kgone go ba le ba babedi lefaseng ka nako e tee. Yo motee feela o na le molaetša, o a tseba. “Ke swanetše go kokobela; Ke Motseta. Ke be ke le godimo nakong ye, bjale O tšea legato laka.” Bjale ka Elisa; ge Eliya a hlatloga gomme a lahlela morago kobo ya gagwe go Elisa; bodiredi bja gagwe bo be bo fedile, Elisa o swanetše go tšea moo a tlogetšego. “O swanetše go gola; ke swanetše go kokobela,” Johanne Mokolobetši.

111 E ba le letswalo ka bonnyane bja gago. Ga o selo. Ga o selo. Ke rata bjang go dula go seo metsotso e se mekae! Eupša, ga o selo. A nke ke. . . Se se kwagala e le dikwero e kwagala e le ye tala.

112 Gomme ga ke nagane gore phulphithi ke lefelo le lengwe la modiredi yo mongwe go dira metlae. E—e tllile ya ba metlae, go tšwelapele, matsaka a Hollywood bjale. Seo ke se e lego molato. Hollywood, ka thelebišene, e tšwere phulphithi. Ba rena basadi ba khunametše modimogadi wa fešene wa Hollywood, nako ye telele ya go feta. Gomme phulphithi e tsene ka Hollywood, ka baopedi, le go ya pele, banna ba ditalente. Oo, yo bohlale bjang monna yoo Diabolo. O ka se kgone go hlakanya oli le meetse. E ka se hlakane. Hlokomelang khuetšo ye kgolo ye batho ba kgonago go e fa ba bangwe. Gomme seo o se dirago ke khuetšo.

113 Ge o nyaka go hwetša gore o mogolo bjang, bea monwana wa gago fase ka ga re ga mogobe wa meetse, goba emere ya meetse, ka nako yeo o ntšhetše monwana wa gago ka ntle gomme o leke go hwetša moo o bego o beile monwana wa gago. Ga o selo.

114 Modimo a ka kgona go dira ka ntle le wena, A ka kgona go dira ka ntle le nna, eupša re ka se kgone go dira ka ntle le Yena. Re swanetše go ba le Yena, gobane ke Yena Bophelo, gomme Yena a nnoši. E sego go tseba Puku ya Gagwe, e sego go tseba se, goba go tseba *sela*, goba go tseba thutotumelo. “Eupša go tseba Yena ke Bophelo,” go tseba Yena bjalo ka Motho, Kriste ka go wena, Lentšu le dirilwe nama ka go wena. Seo ke go tseba Yena. Ge Yena, wena le Yena, le tllile, le ba setee, go swana le ge ke boletše bošego bja go feta ka go *Seka Sa Godimodimo*. O swanetše go tla ka go wena. Wena! Modimo le motho ba swanetše go ba batee. O na le letswalo ka bonnyane bja gago.

115 Bjale, ke tswalela, nka no šomiša diphego tše dingwe tše pedi, la boraro. O be a kgona go fofa ka tše dingwe tše pedi diphego. Hlokomela! Sefahlego se apešitšwe ka bokgethwa bja Modimo, le ka tlhomphe; Maoto a gagwe a apešitšwe ka boikokobetšo; gomme ka tše pedi diphego A kgona go Ipea mo tirong, go sepela. Modimo o be a laetša moporofeta wa Gagwe gore mohlanka yo a itokišeditšego o swanetše go ba ka gona.

“Tlogela go lebelela Usia! Šo mohlala wa gago Ke o rometše pele ga gago: apeša sefahlego sa gago ka tlhompho, apeša maoto a gago ka boikokobetšo, gomme o ye tirong!” Oo, a mohlala! O be a lebeletše Usia nako ye telele, gomme a bona se hlolega, bjale Modimo o mmotša seo gore a dire eng, a mo laetša mohlanka yo a ikemišeditšego. O ile a ya tirong.

<sup>116</sup> Go swana le mosadi sedibeng, o ile a ya tirong ka pejana ge Jesu a mmoditše gore o bile le banna ba bahlano. Mosadi yoo o be a lebeletše se sengwe sa go swana le seo gore se direge; makgolo a mane a mengwaga, go se moporofeta. Gomme, ka moka gatee, o ya tletlolo go hwetša meetse, mosong wo mongwe, go se gwa letelwa, gomme o kopana le se sengwe sa nnete.

<sup>117</sup> Modimo o tla Mmea pele ga rena, lefelongtsoko, nakong ye nngwe, mo go sego gwa letelwa. Ke a tshepha O se dirile mosong wo.

<sup>118</sup> O se dirile go mosadi ge a be a se a se letela. Gomme ge A mmoditše, “Mosadi, tliša go Nna seno,” gomme mosadi a baledišana le Yena mabapi le meetse, gomme O be a se na le selo sa go ga ka sona. Gomme O ile a mo dira gore a tsebe gore O na le meetse ao a ka se hlwego a etla fao go ga.

<sup>119</sup> Gomme nako yeo ba ya go bolela mabapi le gore kae, ditokelo tša bodumedi e be le dife, a re, “Batatawešu ba be ba rapela thabeng ye. Lena le re, ‘Jerusalema.’” Gomme Jesu, ka morago ga lebaka . . .

<sup>120</sup> O be A le eng? O be a le Lentšu. Mokgethwa Johanne 1, “Mathomong go be go le Lentšu, Lentšu le be le go Modimo, gomme Lentšu e be e le Modimo.” BaHeberu, tema ya 4, e rile, “Lentšu la Modimo le bogale, le matla kudu go feta tšhoša ya magale a mabedi, le a ripaganya.” Ga le no fepa le go pepetletša. Le a ripa, go tla le go tloga. O a bona, “Go ripa go fihla mokong wa lerapo, gomme Ke Molekodi wa megopolo le maikemišetše a pelo.” Leo ke Lentšu, Lentšu le dirilwe nama. Gomme še e be e le, ke eng se A se dirilego? O ile a lebelela godimo ga bona gomme o kgonne go bona dikgopolo tša bona, ka gore O be a le Lentšu leo, gomme Lentšu le le sa fetogego. Gomme O sa le yo a swanago. Ga a fetoge. Bjale, hlokomela, ka mo Lentšung le le sa fetogego, O ile a lebelela thwii ka sefahlegong sa mosadi.

<sup>121</sup> Gomme šo o be a eme, ge re be re ka mmitša lehono, mosadi wa tumo ye e babjago, seotswa sa seterata, goba selo se sengwe, mohlomongwe ngwana o b bušeditšwe ntle gomme a lokolotšwe ke batswadi; gomme ba bantši ba bona lehono. Eupša go be go le yo wa go ratega, yo mobotsana, yo monnyane, mohlomongwe mosadi yo moswana, mohlomongwe a le mo mengwageng ye lesomeseswai, o—o be a tla be a le ka ntle ga sekolo se se phagamilego. Gomme šo o be a tšere tsela

ye e fošagetšego, gomme maitshwaro a bophelo bja gagwe a be a bodile. Gomme o be a se na le selo seo a bego a ka kgona go itshwarelela go sona, go le bjalo, yo—yo mobotsana mosetsana.

<sup>122</sup> Gomme o ya tletlolo go hwetša meetse, gomme o kitimela go Monna yo a go bolela le yena. Gomme a re, “Mo go na le kgethologanyo. Ga wa swanela go bolela le nna. Ke wena MoHeberu gomme ke nna mosadi wa Samaria. Gomme, morago ga tšohle, lebelela gore ke nna mang. Ka baka la eng O bolela le nna? Na O nyaka eng?” O a bona, a gagwe—a gagwe—a gagwe—a gagwe—maikemišetšo a be a fošagetše.

<sup>123</sup> Gomme, dinako tše ntši, go be go ka reng ge mosadi woo a ka be a lahletše pitša gomme a sepela a tloga, go swana le batho ba ba emago gomme ba tšwela ka ntle ga kopano pele ga ge ba tseba? O a bona, e be e se ya swanela go ba ka tsela yeo.

<sup>124</sup> Eupša fao go be go le selo se sengwe gape go peu yeo e kgethetšwego pele, gore fao go be go le se sengwe se se kgahlago ka Mothong yo, ka fao o ile a bolela le Yena. Go diregile eng? O ile a mmotša dilo tšeo a di dirilego. Gomme ge A dirile seo, a mmoditše dilo tše, ka gona a re, “Mohlomphegi, ke a bona gore O moprofeta. Wena ga o ntsebe.” Ka baka la eng a tsebile gore E be e le moporofeta? Ka baka la gore Lentšu le tlile go Yena.

<sup>125</sup> Beibele e rile, “Ge go na le yo mongwe magareng ga lena, yo e lego wa moya, goba moporofeta, Nna Morena ke tla itira Bonna ka itsibiša go yena. Gomme ge seo a se bolelago e le therešo, gona kwang yena, gobane ke yena moemedi wa Ka, ke yena Lentšu la ka le bonagatšwa.”

<sup>126</sup> Gomme a re, “Mohlomphegi, le ge go le bjalo, rena ga se re be le moporofeta mengwaga ye makgolo a mane. Gomme ke a bona gore Wena o moporofeta. Bjale, ga re na le Lengwalo le le rego re ya go hwetša moporofeta gona bjale, ka ntle ga Mesia. Rena re a tseba Mesia o etla. Gomme se, seo ke seka sa moporofeta, re a tseba O etla gomme O tla dira dilo tše.”

<sup>127</sup> Gomme Jesu nako yeo, bogolo bjo bo lekanego a tla, A re, “Ke nna Yena.” Amen.

<sup>128</sup> Eng? Ka pela a se taboge gomme a tšhaba, “Ga ke ye go e theetša.” O ile a pipa sefahlego sa gagwe, “Ke amogela ke phošong.” Ka boikokobetšo a kgopela, “Mphe meetse a, Morena, gore ke se tle mo go ga.” O a bona... o a bona... yena—yena, tsela yeo Modimo a apešago batho ba Gagwe?

<sup>129</sup> Bjale eng? O lokile. Ka fao e utulotšwe go yena gore yo ke Mesia. Gomme ka pela o ile a ya tirong. Go mo emiše? O be o ka se kgone go e dira. Thwii a ya motseng mogolo, gomme a re, “Tlang le bone Monna Yo a mpoditšego dilo tše ke di dirilego. Re be re lebeletše Mesia, gomme šole Yena.” Gomme Beibele e re banna ba motse mogolo woo ba ile ba dumela ka baka la

bopaki bja mosadi. O be a na le se sengwe sa nnete seo a bego a ka kgona go se laetša. Khuetšo ya gagwe, ka morago ga go gahlana le Jesu Kriste gomme o tliša dipoelo tša go lebana tšeo Beibele ya gagwe, yeo a e rutilwego, e mmoditše gore Mesia o tla di dira, o ile a kgodiša banna gore yoo e be e le Mesia. Mengwaga ye makgolo a mane, ga se ba ke ba e ba le se sengwe sa go swana le sona, “Gomme Monna šo.” Gomme bja gagwe bopaki, le ge e le seotswa, bo be bo kgodiša.

<sup>130</sup> Oo, mosadi yo moswa, o ka no se phele bophelo bja mohuta woo. Eupša, oo, ge o ka no gahlana le yo Motee yo ke bolelago ka yena, khuetšo ya gago e ka ba eng go mogwera wa gago wa sekolo!

<sup>131</sup> Yo moswa monna, bjalo ka Saulo, wa go rutega, yo mokaone, o be a le khuetšo ya lefase lohle la Bokriste. O ile a romelwa bjalo ka moapostola go Bantle, ge a kopana le Jesu mo Pilareng ya Mollo, letšatši lela, a tseba gore yoo ke yena Modimo yola a ntšhitšego batho ba gagwe, ba Israele go tšwa Egepita, Israele go tšwa Egepita. Ge o ka kgona go kopana le Modimo yo a swanago! Ke Beibele, e bonagala, e hlatsela gore ke Yena Modimo, ponagatšo ya Gagwe thwii mo lefase gona bjale, gore Lentšu la Gagwe le a tsebagatšwa, ka gore, “Ke Yena yo a swanago maabane, lehono, le ka go sa felego.” A khuetšo ye o tla bago yona go kereke ya gago, go setšhaba sa gago, go bohle mang le mang yo o tla kgomanago le yena. Wena o tla ba motho yo a fetogilego. Eye. Eye, mohlomphegi.

<sup>132</sup> Petro, ge a bone gomme a fenyega, gore. . . Re hwetša gore, o be a theile dihlapa bošego bjohle gomme a se a tšea selo. E be e le monna wa dihlapa. O be a tseba gore ge ngwedi o fetogile, le ge dihlapa di tšhaba le ge di be di sa tšhabe. Eupša o be a na le botho mo go lekanego go dula fase le go theetša Jesu, metsotso e se mekae. Ga se a ke a emelela gomme a tšhabela ka ntle. O ile a ema go e kwa go tšwelella. Gomme ka morago ga ge molaetša o fedile ka moka, le tšohle, ka gore o bile yo botho mo go lekanego. . .

<sup>133</sup> O be a theile dihlapa bošego ka moka gomme a se sware selo. Ke ba bakae bo Simon ba ba lego fao ka mo moseong wo, ke ba bakae ba ba tla theetšago theipi ye? Bo Simone, le tabogile go tšwa Methodist, go ya Papatšisi, go ya Pentekoste go ya Boteeng, go ya Bobeding, go ya Borarong, go ya go se sengwe le se sengwe, le ge go le bjalo ga se le hwetše selo. Ka baka la eng o sa no dula fase gomme wa no theetša motsotso feela? E no adima metsotso e se mekae ya nako ya gago go Kriste.

<sup>134</sup> Lebelela Lentšu le etla. “Simone,” bjale Yena o a mo roma, “theošetša lelokwa gore o sware.”

<sup>135</sup> Gomme ge a swere dihlapa, o ile a re, “Morena, ke theile bošego ka moka. Ke ka godimo ga bohlale bjaka. Nka se kgone go e hlatholla gore bjang.”



136 Le bile nka se kgone go hlatholla gore e šoma bjang. Ga ke tsebe meragelo. Dikgontšhi ke tšonatšeo ke nago le kgonyogo go tšona. Ga ke tsebe gore O se dirile bjang, eupša O se dirile ka gore O se tshephišitše.

137 O ile a theoša malokwa. Ka gore, O be a tseba ge e ba go be go se dihlapi ka fao, gomme Modimo o ile a re go tla ba le dihlapi ka fao, o ile a theošetša lelokwa, le ge go le bjalo.

138 Wena o re, “Nna ke be ke le aletareng. Nna ke dirile se. Nna ke dirile *se*la. Nna ke lekile. Nna ke be ke le godimo le fase. Nna . . .” Theošetša lelokwa. Seo ke Molao.

139 Gomme ge a swere dihlapi, ke eng se a se dirilego? Sa pele, o wele ka matolo, ka go hlompakudu le tlhompho, gomme a goelela, “Tloga go nna, Morena, ke nna monna wa modiradibe.” Ke eng seo? Tlhompho kgolo, le boikokobetšo.

140 E bile eng Lentšu ge le boela morago? “Se boife, Simone, go tloga bjale go ya pele o tla ba morei wa batho.” Mo tirong, gomme o hwile a le mo tirong. Oo, nna!

141 Monna wa sefofu yo a fodišetšwego, o be a sa kgone go hlaloša. O be a sa kgone go bolela go no re go bile bjang gore O e dirile. Gomme o be a sa tsebe ge e ba e be e le modiradibe goba aowa; o rile, “Ke selo sa go makatša go nna, gore wena monna mo, lena baporisita le botšiša nna eng, potšišo ye.”

142 Ba rile, “Ke mang yo a go fodišetšego?” Ba botšišitše mmagwe le tatagwe, eupša ba rile . . .

143 Ba be ba šetše, baporisita ba be ba ba boditše, “Ge yo mongwe a ka tsenela dikopano tša Jesu! Ke—Ke—Ke segafa sa Monna. Ge o ka tsenela dikopano tša Gagwe, o rakilwe go tloga kerekeng ye. Re tla go bea . . .” Seo ke se Beibele e se bolelago. “Re tla go bea thwi ka ntle ga kereke, ge o ka tsenela kopano yela.”

144 Eupša, monna wa sefofu, o a bona, kopano e tla go yena, gomme Jesu a mofodiša.

145 Gomme nako yeo le batswadi ba gagwe, ba boifa go lahlegelwa ke serithi sa bona, sa go ba leloko la kereke ye kgolo ye ya motsemogolo, ba be ba na le dihlong go bolela se sengwe ka yona. Ba e bušetša morago go mošimane, gomme ba re, “Botšišeng yena, o godile. Yang go mmošiša gore e diregile bjang. Re a tseba ke morwa wa rena, gape re a tseba o belegwe e le sefofu, eupša ga—ga ke ye go bolela selo.” Oo, yoo yo bololo, wa mothalading wa mollwane, modumedi wa go itiriša!

146 Eupša monna yo a fodišetšwego mahlo a gagwe; ba rile, “Ke mang yo a go fodišetšego?”

147 O rile, “Yo a bitšwago Jesu wa Nazareth.” Eye, mohlomphegi! O be a dutše boipoetšong. Mošomo o dirilwe.

148 Ba rile, “Yoo Monna ke modiradibe. Ga re tsebe, ga re na le sekolo se A kilego a tšwa go sona. Ga se wa mokgatlo wo o itšego. Ga a na le karata ya kopanelo, Ga re na le selo se re ka se dirago le Yena. Rena re a tseba ke Yena modiradibe.”

149 “Go lokile,” a re, “bjale, seo ke selo se se makatšago.” A re, “Monna yo a kgonnego go bula mahlo a ka, seo se sego sa ke sa dirwa go tloga ge lefase le thoma; Monna, Modiredi o bula mahlo a ka, seo se sego sa ke sa dirwa mo lefaseng; gomme banna ba baruti bao ba swanetšego go tseba tšohle tše di lego ka ga re le ka ntle ga Lentšu, gomme ga le tsebe selo ka Yena? Seo ke selo sa go tšaba.”

150 Mola, yona Beibele ye e rile, ge A etla, “Difofu di tla bona. Ba digole banna ba tla taboga bjalo ka tshephe tona.” Ba be ba swanetše go bona gore Lentšu le a bonagatšwa. O a bona?

151 Eupša mošimane o tsebile; o be a le fao. Ke eng seo a se dirilego? O be a le tirong. O be a lokile, pele ga mong wa gagwe. O be a lokile, pele ga baporisita. O be a lokile, pele ga khantshele. O be a loketše se sengwe le se sengwe, ka baka la gore o ile a lemoga Modimo, gomme a ikokobetša ka bo yena, gomme a tsena tirong ka bopaki bja gagwe. O a bona, yo ke mohlanka wa mmakgonthe.

152 Pilara ya Mollo e swanetše go re bea tirong lethono, bjalo ka ge re e bone e hlatselwa Mantšung a tshephišo ya Gagwe ya iri ye, letšatšing le la mafelelo. E swanetše go bea mosepelo wohle wa Modimo mo tirong.

153 Eupša, bothata bja yona ke, mokgatlo wa rena o re, “Bjale ema motsotso, Seo ga se ya tla ka sehlopha sa rena. Leo ke Leina la Jesu. Yoo ke—yoo ke moradia. Yoo ke Mopapathisi. Ke . . .” O a bona? Huh-uh. O a bona? O a bona? Ba no se E bone. Seo ke therešo.

154 Seka, oo, seka sa Maboo a Gagwe se ka seatleng. Gomme re a tseba ga go selo le se setee lefaseng . . .

155 Saentshe e a re botša. “Ke metsotso ye meraro go fihla bošegogare,” e re boditše seo mengwaga ye malwa ya go feta. Ka fao, re swanetše go no ba re ka ba, mohlomongwe, nakwana go tloga bošegogare. Ga re tsebe gore ka nako mang le—le role le yego go bonega ka molongwaneng wa sethunya. Lebelelang dikgetho tše di tlogo mo gosasa. Ke kamoka se e tlogo go se tšea, e no tshuma e tee. Ge sefahlego sela sa rata se swara pomo yela ya athomo, ye nngwe le ye nngwe ya tšona e a go tlemologa, eupša Kereke e tla be e sepetše pele ga nako yeo. Ka fao ge se se ka direga motsotso ofe goba ofe, gomme Kereke e swanetše go tloga pele ga ge seo se direga, se bokgole bjo bokae?

156 Gomme tšona dilo tšeo A di boletšego gore di tla direga, bodiredi bja Gagwe le seo se tlogo go direga matšatšing a

mafelelo, re se bona bošego ka morago ga bošego, le letšatši ka morago ga letšatši, se re nako e ka mo seatleng. Oo, re swanetše go ikokobetša gomme re tle mo—mo bothobong gomme re tle tirong. Seo ke therešo. Lentšu le phethagaditšwe, le swanetše go re bea tirong yohle.

<sup>157</sup> Rena, go swana le moporofeta Jesaya, re bone ditla morago tša batho ba go iphagamiša, bao ba rego, “Go lokile, bjale, ge e eya go ba lefelong le lengwe, e ya go ba kerekeng ya rena ya leina. Ge e etla ka Boraro, go lokile. Goba, ge e etla ka Botee, ka moka e lokile. Goba, ge e etla ka Kereke ya Modimo, Mamethodist, Mapapathisi, Makatoliki, goba Mapres-... Seo ka moka se lokile.”

<sup>158</sup> Ke ila ka botšišwa mo Mexico. Ngwanešu Jack o be a na le nna. Gomme ngwana yo monnyane o ile a tsošwa go tšwa bahung, ka morago ga go hwa mosong woo ka iri ya senyane. Gomme o ile a tsošwa go tšwa bahung, bošego bjoo ka iri ya lesometee, godimo ga sefala, ka pono. Ngwanešu Jack o be a le fao. Ke ile ka mo romela go rapelela ngwana. Gomme mosadi a swere ngwana ka matsogong a gagwe, ka *tsela* ye. Pula, e tšhologela fase, gomme o be a apere jase ya Ngwanešu Arment. Gomme Billy a re, “Ke file...” Ngwanešu, yo mogwera wa Ngwanešu Espinoza, ga ke tsebe gore eng...ke mmitša, “manana,” ka gore o—o—o be a— a neneka. Gomme ka fao ka re...O fa dikarata tša go rapelelwa, gomme Billy o be a no ema go bona gore o be a sa rekiše e tee. Gomme a di fa ka moka. Gomme mosadi yo o be a na le ngwana wa go hwa. Gomme a re...Ka baka la eng, Billy a re, “Ga ke na le baamogedi ba ba lekanego go ka mo swarela morago.”

<sup>159</sup> Gomme ka re, “A ka seke a be a ntseba. Ga a ntsebe.” Bošego pele, monna wola wa sefofu o ile a amogela pono ya gagwe. Gomme bokgolo go putla sefala, e no ba mokgobo wa dijase le dišolo, le dilo, batho ba badiidi. Gomme ka re, “Go lokile, Ngwanešu Jack, theoga gomme o rapelele ngwana.” Ka re, “A ka se ke a be a tseba phapano magareng ga ka le wena.” Gomme a no kitima ka fase ga maoto a banna a tabogela godimo ga magetla a bona, gomme a sepela ka ngwana yola wa go hlokofala. Yo monnyane, mosetsana yo monnyane yo mobotsana, e ka no ba wa botelele *bjo*, mohlomongwe ngwana wa gagwe wa mathomo. Gomme o be a bonagala a ka ba mengwageng ya bo masomepedi, mosetsana wa matlakgogedi kudu. Gomme ka fao ka re, “Sepela go mo rapelela, Ngwanešu Jack, ka gore a ka seke a be a tseba gore mang ke mang.” Gomme nna ke eme marago kua ke bolela ka mohlatholli, o be a sa tsebe ge e ba e be e le nna ke rapelelago balwetši, goba e be e le yena.

<sup>160</sup> Ngwanešu Jack a thoma go theogela kua. Gomme ka lebelela ntle pele ga ka, gomme fao go be go na le pono, lesea le le nnyane le dutše mo. Ka re, “Se tshwenyega. Le tliše mo.” Dinakong di se kae, ngwana yola ke ge a phela. Beile diatla godimo ga lona!

<sup>161</sup> O ile a ya tirong, thwi ka bjako, go ngaka ya gagwe; ka setatamente sa go saenwa ke ngaka, gore lesea le hlokofetše ka kantorong ya gagwe mosong woo, ka nyumonia. Gomme ka iri ya lesometee bošego bjoo ke ge le boetše bophelong gape, ka baka la gore o be a phegeletše. O ile a swanelwa ke gore a gapeletše. Ka fao go be go na le se sengwe sa nnete. Ge monna wa sefofu a kgonne go hwetša pono ya gagwe, lesea la gagwe le be le ka kgona go tsošwa go tšwa bahung. Ke rata seo. Modimo, re fe batho ba bantši ba go swana le bao.

<sup>162</sup> Gomme yena, Mokatoliki, a etla le dipheta tša gagwe ka seatleng sa gagwe, ka mmotša, “Seo se be se se bohlokwa,” go se na le go nyatša motho yo moswa yola. Ga go lenyatšo go seo, eupša e be e se bohlokwa.

<sup>163</sup> Ke Modimo yo re dumelago go yena; e sego sebopego se sengwe, e se go thapelo ya Methodist, goba thapelo ya Presbyterian, goba kgoelelo ya Pentekoste. Ke Modimo yo re dumelago go yena; e sego pheta tša Katoliki, goba eng gape. Re dumela go Modimo, Modimo yo a phelago, ka Lentšu la Gagwe. Gomme Lentšu la Gagwe ke Modimo. Gomme le tlemegile go tšweletša, gobane ke Lona peu.

<sup>164</sup> Bjale, moporofeta nako yeo o bone seo dikereke tša maina tša go iphagamiša di se dirilego. O bone gore ga se di kgone go tšea lefelo la ofisi. Di lahlegetšwe ke tshwaro ya tšona, ka dithutotayo tša tšona, le go ya pele. Ka tetelo ya dithutotayo, ba amogetše seo gomme ba gopola gore ke Lona. Gomme re hwetša gore monna wa go swana le Usia o leka go tšea lefelo la ofisi ye e tloditšwego, gomme ba feila. Ba bantši ba bona ba fetogile dihlananahlogo, matagwa, bjalo bjalo; ba leka go tšea lefelo la ofisi ye e tloditšwego, ba leka go ekiša. Go na le go re ba be le seo ba bolelago ka sona, ba beditšwe ke Modimo go se dira, gomme ba beilwe ke Modimo go se dira; ba kitima ka dihlopha tše kgolo gomme ba aga mekgatlo ye megolo, le monna wa bohlae, le dilo tše kgolo, le phadimo, le go swana le Hollywood; gomme ba rera, “Maboo a Morena a mo seatleng.” Re bone monna a lahlegelwa ke tshwaro ya bona, ka gore ba leka go tšea ofisi yeo ba sego ba beelwa yona, go no swana le Usia. Re bone dikereke di fetoga. Re bone, dikgobokano tša Bopentekoste bja rena, Botee bjo bongwe le bjo bongwe bo leka go hwetša Boraro ka kua, Boraro bo leka go hwetša Botee ka kua, Kereke ya Modimo e leka go hwetša se ka thoko yela, gomme ka moka tše di leka go hwetšana; di a fetoga, di ekiša, di leka go dira se sengwe seo di sego tša bilwetšwa go se dira.

<sup>165</sup> Modimo o rile, “Rera Ebangedi. Bonagatša maatla a Moya wo Mokgethwa. Mehlole ye e tla latela ba ba dumelago.”

<sup>166</sup> E sego. “Yang go dira mekgatlo, bang le dikolo, bjalo bjalo.” Ga go selo kgahlanong le se, eupša seo ga se tšee lefelo

la ofisi ye. Gomme re a bone bjale, gore banna le basadi ba ba lekago go tšea ofisi ye e tloditšwego, ge ba se ba bewa go e dira, re bona gore go direga eng go bona.

167 Šoo mohlala wa lena, badiredi. Re o bona ka bophelong bja moswa. Re o bona mo gohle. Ke gore, se lebelele motho. Lebelela Modimo. Tšea mahlo a gago go tloga go motho gomme o le bee go Modimo.

168 E sego go huetšwa, wa re, “Oo, letago go Modimo, Morena o a mpotša. GO RIALO MORENA, dira *se-le-se*,” gomme ga se seke se direga. O a bona, o leka go ekiša se sengwe se o sa tsebago selo ka sona. O seke wa dira seo. Se kotse. O tla itiwa ka lephera la semoya, go se dumele, dikereke tša lena tša maina; ba leka go aga, go hwetša lefofa kefeng ya gago, go ba mookamedi. Ge . . .

169 E ba bjalo ka Davida, “Nka upša ka ba legogwa la mojako ngwakong wa Modimo waka, go na le go dula tenteng le ba babe.” Eye, legogwa la mojako. Mo gohle mo O mpitšago, Morena, a nke ke be legogwa la mojako le lebotsebotse le O kilego wa ba le lona. Ge batho ba swanetše go phumula maoto a bona godimo ga ka, a nke ke be legogwa la mojako la nnete. Ke tla hlwekiša maoto, ge go se se sengwe gape.”

170 Seo ke se Jesu a se dirilego ge A etla lefaseng, O tlike a ba legogwa la mojako la Modimo, Wa Gagwe Morwa. Wena o mang, pišopo, mohlokamedi wa lefelo, ge Jesu a e ba motho wa go hlatswa maoto, legogowa la mojako Ntlong ya Morena? Oh, nna! Gomme re nagana gore ke rena bo mokete, ka gore re na le grata ya bongaka, re fetile kholetšheng. Lebelela Mohlala wa gago, seo A se dirilego. O seke wa lebelela seo pišopo pele ga gago, mohlokamedi pele ga gago, e ka ba eng sa go swana le seo. A ka no ba e be e le monna wa go loka. Seo ga se na le molato. Ke wena, lebelela go Modimo.

171 Ge a bona ditlamorago, gomme ka gona a bona se se diregilego. Bjale ke a tswalela, setee gape se sengwe ke re. Maoto a Gagwe le diatla. . . Diphego tša Gagwe di apeša sefahlego ka tlhomphe, maoto a gagwe ka boikokobetšo, gomme ka fao diphego tše pedi tša gagwe di mmea tirong. E no gopola ka seo, ditlamorago tša pono godimo ga moporofeta! E dirile eng go moporofeta? E mo laeditše gore ga go monna, ga go monna. . .

172 O seke wa bea tshepho ya gago mo monneng. Ge monna yoo a tlogela Lentšu la Modimo, o tlogele monna. O a bona, o tlogela monna. Dula le Modimo. Modimo ke Lentšu.

173 Lebelela seo di-ditlamorago dise dirilego. Bjale, banabešu badiredi, ke nyaka se se eya botebong bja dipelo tša lena, ka moka ga lena. Go diregile eng go moporofeta? Go tšere moporofeta yoo, yo a beilwego ofising pele ga go thewa ga lefase. . . Dimpho le dipitšo di gona ntle le tshokologo. Go tšere moporofeta yoo. . . Go

kakang ka badiredi, dipišopo, e sego selo bjalo ka moporofeta; moruti, modiša, goba moebangedi, eswanetše go dira eng go bona? Eupša go bona pono ya Morena, go dirile moporofeta gore a ipolele gore e be e le yena modiradibe.

<sup>174</sup> Ga se a ke a sepelela ntle a re, “Eye, letago go Modimo! Halleluya, seo ke se sebotse mo go lekanego nna. Tumišang Modimo, ke ya ka ntle.” Goba, ga se nke a eya godimo a re, “Nka seke ka theetša Seo. Ke bile le karogo ya kgopolo. Ga se go ya ka se moporisita a se bolelago.” Aowa.

<sup>175</sup> O tšere thuto ya yona. O bone se Modimo a bego a leka go mo laetša. Ka baka la eng? Ya semoya peu e be e šetše e le ka go yena, bjalo ka ge e bile go mosadi sedibeng, bjalo ka ge e bile ka go ba bangwe. Ba be ba beilwe, ba beetšwe pele go se. Gomme o ile a bona lebaka. O bone Usia ngwakong wa balephera, monna yo mogolo yo a lekilego go ekiša se sengwe. O bone Modimo a dutše fao, gomme a bona ka fao Modimo a apešago bahlanka ba Gagwe leka fao A ba romago ka ntle. Ya mo dira gore a re, “Nna ke modiradibe.” Ka gona ya tla nako ya tlhwekišo, ka morago ga boipolelo, “Nna ke modiradibe.”

<sup>176</sup> Moporofeta, monna yo a bego a le ngwakong wa bogošo wa kgoši, a tsebega goba moporofeta. Le a nkwa? E dirile moporofeta yo a beilwego, pono ya Morena mo e mo dirile gore a ile, “Jo nna!” Ke monna wa melomo ya ditšhila. Ke phela gare ga- . . . batho ba melomo ya ditšhila. Gomme mahlo a ka a bone tshepidiso ya Morena.” Oo, badiredi banabešu, a le kgona go e bona? “Mahlo a ka a bone tshepedišo ya Morena.”

<sup>177</sup> Bjale gwa tla tlhwekišo. Mo go tla Mokerube ka legala la mollo go tšwa aletareng, leo a le tšergo ka letlawa la gagwe, letlawa go tšwa aletareng, gomme a le bea ka diatleng sa gagwe. Gomme a tšea morago hlogo ya Jesaya, ka gore o be a loketše go ipolelela, gomme go bolela gore e be e le yena wa ditšhila, gobane o be a lebeletše go pišopo yo a itšego goba yo mongwe bjalo ka mohlala, go na le gore a lebelele go Modimo.

<sup>178</sup> Go na le gore o lebelele go Lentšu, o lebelele go thutotumelo, e sa go bea morago, “monna wa melomo ya ditšhila.”

<sup>179</sup> Gomme Morongwa o tla le Mollo, a o bea godimo ga melomo ya gagwe, gomme a re, “Bjale o hlwekile.”

<sup>180</sup> Hlokomela tshepedišo. Ga se a ke a mo tlišetša puku, katikasema. Modimo ga a lokiše mohlanka wa Gagwe ka dipuku le katikasema. O lokiša mohlanka wa Gagwe ka Mollo, Mollo wo o hlwekišago, Mollo wo o tšwago aletareng.

<sup>181</sup> Gomme a goelela! Ge a goelela a re, “Jo nna, gobane ke dirile phošo; ke beile mohlala waka, tshepho yaka, mo monneng. Gomme ke bone tshepeišo ya Morena.” Gomme a mo hlwekiša ke legala la Mollo.

182 Bjale, a ga go makatše ka fao monna a itemogago ka boyena e le modiradibe? Gomme lebelela gore Modimo o dirile bjang ka pela ge a itemogile gore e be e le modiradibe. O ipoletše go beng modiradibe, o ipoletše go phošo ya gagwe. Gomme a bone seo Modimo a se dirilego le ka fao A se dirilego, ka fao a mo hlwekišitšego ka legala la Mollo. E sego go bolela thutotayo, e sego se-sehlopha sa dipheta, e sego dilo tša histori. O mo hlwekišitše ka, lebaka la bjale, Mollo wo o phelago.

183 Gomme Beibele e rile, “Tshephišo ke ya lena, le ya bana ba lena, le ba ba lego kgole, le ba bantši ba Morena Modimo wa rena a tlogo go ba bitša.” Wona Moya wo Mokgethwa wo o swanago, Jesu yo a swanago yo a tlogo ka sebopego sa Moya wo Mokgethwa, ka Letšatši la Pentekoste, ke modiro tlhwekišo wo o tšwelago pele Modimo o tseba se sengwe le se sengwe ka go hlwekiša mohlanka wa Gagwe.

184 O bone tshepedišo. O bone seo mohlanka wa Modimo, yo a lokišitšwego, ka fao a bego a swanetše go dira. O bone ka tsela ye Modimo a dirilego mohlanka wa Gagwe gore a loke, ka fao A e beilego ka lenaneo.

185 Gomme hlokomela bjale tše di latelago, ka morago ga tlhwekišo, ka morago, ga thomo. Ka morago ga ge a dirile se, go latela, eng nako yeo? Yona thomo. Ka morago ga boipolelo le go hlwekišwa, e bile ka morago nako yeo moo Jesaya wa go hlweka a arabilego ge Morena a rile, “Ke mang yo a tla yago?” A re, “Ke nna yo, roma nna.”

186 Yo moswa monna le mosadi, bophelo bja gago pele ga gago, a nke wena le nna re ye fase aletareng, mosong wo. A re yeng tlase ngwakong wa Modimo, metsotso e sego mekae. Borakgwebo, bommamalapa, badiredi, a re yeng tlase ngwakong wa Modimo.

187 Go na le se sengwe se se fošagetšego lefelong tsoko. O a bona? Le bile le tše ntši kudu, gape le kekišo ye ntši ya senama mo lefaseng, BoKriste. Se seswa setšhaba, ke le kwela bohloko. Ga le tsebe gore le ka tepogela go efe tsela. Yo mongwe o re *se*, gomme yo mongwe o re *sela*, gomme yo mongwe o re ke “Dumela Maria,” gomme yo mongwe gape o re ke se sengwe gape, gomme yo mongwe o re tšoenana *ye* kereke, gape tšoenana *yela*. Ka moka ke phošo, gobane Modimo ka botlalo o laeditše gore selo seo ke lehu.

188 Bjale tla re yeng tlase ngwakong wa Modimo, ka dipelong tša rena, aletareng, a re lebeleleng godimo mme re boneng gore Jesu o swana le eng, e lego Lentšu. Gomme bjale re kgona go araba, “Ke nna yo, roma nna, Morena. Romela nna ntlong, go ba mohumagadi yo mokaone. Roma nna sekolong, goba mosetsana yo moswa yo mokaone. Roma nna sekolong, go ba mošimane yo moswa yo mokaone. Roma nna phulphithing, ke le modiredi yo a fapanego. Roma nna kgwebong ya ka, ke le rakgwebo yo a fapanego.” Ge o bona Mohlala wa gago, Jesu Kriste!

<sup>189</sup> O rile, “Ke nna yo, roma nna,” ka morago ga boithobo bja gagwe, ka morago ga ge a bone tshepedišo, ka fao Modimo a beago mohlanka wa Gagwe ga mmogo. Ka fao A mo romago; pele ga ge A mo roma, o swanetše gore a kokobele, boikokobetšo bjo bogolo, gomme a be tiring. Gomme ka fao ge a bona seo, mohlwekišwa Jesaya a re, “Ke nna yo, roma nna.”

<sup>190</sup> A re kobeng dihlogo tša rena nakwana feela. [Moena o bolela ka leleme le lengwe. Lefelo le le se nago selo godimo ga theipi—Mor.]

Ge legala la Mollo le kgwathile moporofeta,  
Le mo dirile tlhweko ka mo tlhweko e  
kgonago go ba,  
Ge lentšu la Modimo le rile, “Ke mang yo a ka  
go re ela?”

Nako yeo a araba, “Morena, ke nna yo, roma  
nna.”

Bolela, Morena wa ka, bolela, Morena wa ka,  
Bolela, gomme ke tla ba ka pela go araba  
Wena;

Bolela, Morena wa ka, bolela, Morena wa ka,  
Bolela, gomme ke tla araba, “Morena, roma  
nna.”

<sup>191</sup> [Ngwanešu Branham o thoma go opelela ka dithameng, “Bolela, Morena Wa Ka.”] Nagana ka yona bjale, moswa, mola ba sa opelela koša yeo ka dithameng. Nagana ka yona, modiredi, rakgwebo, mohumagadi wa lapa. Re tlase ngwakong wa Morena bjale. Lebelela ka godimo ga gago gomme o bone Mohlala wa gago, Bakerube. E no nagana, o mo mafelelong a nako bjalo. Nako e tla felella ka Bokagosafelego, mohlomong lehono. Re no se tsebe gore e ka no ba neng. Nagana ka yona.

Go na le dimilione gonabjale mo sebeng le  
dihlonyeng, ba a hwa; (lebelela diterateng)  
Theeletša selo sa bona sa manyami le  
bohloko;

Hlaganela, ngwanešu, hlaganela thušong ya  
bona;

Ka bjako a raba, “Morena, ke nna yo.”

Oo, bolela, Morena waka, oo, bolela . . .

E ra seo go tšwa pelong ya gago bjale. Jesaya, o go kae?

. . . gomme ke tla ba ka bjako go araba Wena;  
Bolela, Morena wa ka . . .

Mamethodist, Mapapathise, Mapentekoste, le gokae?

Morena, bolela, ke tla araba, “Morena, roma  
nna.”

<sup>192</sup> O tloga o se ra ka therešo? Ge A bolela le pelo ya gago, a o ka se era?



Bolela, Morena waka, oo, bolela, Morena waka,

<sup>193</sup> Ge a bolela le wena mola ba sa e opela, “o ka araba ka potlako,” o ka emiša seatla sa gago, e re, “Nna, Morena. Nna, Morena”? Modimo a go šegofatše.

Morena waka, bolela, Morena waka,  
Bolela, gomme ke tla araba. . .

<sup>194</sup> “A nke ke be khuetšo, Morena, go ba bangwe. Nka se kgone go e dira go fihla ge O ntlhwekiša. Romela Lengeloi bjale, Morena.”

Bolela, Morena waka; oo, bolela, Morena  
waka;  
Bolela, gomme ke tla araba, arabela Wena;  
Oo, bolela, Morena waka; bolela, Morena  
waka.

<sup>195</sup> Ka diatla tša lena godimo bjale. “Gomme ke tla. . .” Go laetša O a bolela. Bjale a nke Mollo o tle gomme o e hlwekiše.

Bolela, Morena waka; bolela, Morena waka.

<sup>196</sup> Morena Jesu, ge koša e opelwa, “Bolela, gomme ka bjako ke tla Go araba,” ka mo go bonagalago matsogo a lesomepedi a emeletše ka mo, Morena, magareng ga baswa, le magareng ga batšofadi, badiredi, borakgwebo. Ka nnete, Morena, O sa bolela! Romela Lengeloi bjale ka legala la Mollo wo o hlwekišago. Lokišetša bahlanka ba Gago gabotse, Morena, mošomo wo o robetšego pele ga rena.

<sup>197</sup> Jesaya o tsebile, go ba moporofeta, go tšere go feta seo a bego a na le sona, go gahlanetša karabo ya letšatši. Gomme ka fao go tšea go feta seo re nago naso, Morena, lehono, go gahlanetša karabo. Go tšea Bomotho bja Jesu ka gare ga rena. Go tšea Jesu, ka Boyena, go araba potšišo. Neela, Morena, efe gore Moya wo Mokgethwa, ka Bomotho bja Kriste. . . goba Kriste, ka Bomotho bja Moya wo Mokgethwa, a nke a tle ka pelong ye nngwe le ye nngwe gonabjale. Hlwekiša rena, Morena, go tloga go se dumeleng. Re hlwekiše go tšwa dithutotumeleng tša rena le bošilo bja rena bja lefase le. Re hlwekiše go tšwa gona, Morena, gomme bea Lentšu la Gago ka dipelong tša rena; gomme re gopodišiše ka Lona, mosegare le bošego. A nke karabo etle, Morena, ka pejana ge dipelo di hlwekišitšwe. Faa se, Morena. A nke Lengeloi la Modimo le kgwathe ye nngwe le ye nngwe ya dipelo tša rena gonabjale, ka legala lela la Mollo, ge re letetše Yena. Faa se, Morena.

<sup>198</sup> Bjale ka dihlogo tša lena, matsogo a lena, dipelo tša lena, tsohle tša lena, di retologetše go Modimo, thwii ka mo tempeleng ya Modimo, moo go lego Moya wo Mokgethwa, gomme balatedi ba Gagwe ba tletše moago. Bogona bja Bo Yena bo mo. A re nogo go Bo amogela bjale, ge o kgona go kwa Modimo a go kgwatha bjale, ge re opela kopelo ye gape.

Ge legala la Mollo le kgwathile moporofeta,  
 Le mo dirile tlhweko ka mo tlhweko e  
 kgonago go ba.

<sup>199</sup> A re, ge dihlogo tša rena le dipelo tša rena di kobegile pele ga Gagwe bjale, re e opele gape. Gomme re no dumelela Lengeloi la Modimo le hlwekiše dipelo tše rena go tšwa tšhila yohle le—le matsaka ka moka a lefase. Gomme lena basetsana ba bannyane le bašimane, go tšwa sekolong sa go phagama, ka mo, baswa ba bannyane ba mo Shreveport, le ba go loka batšofadi batho ba Borwa mo ba ba bego ba fela ba eba le Ebangedi ya go tšofala ya kgale tlase mo, le a bona gore go na le seo kereke e sa le fego sona lehono, eupša Modimo o le swaretše sona. A o ka mo dumelela gore a hlwekiše pelo ya gago gonabjale? O dula gare ga batho bao ba tantshago, le tše tšohle gape, gomme ba ipitša “maloko a kereke,” gomme o bona ditšhila le dilo tšeo di lego ka dikerekeng tša rena go tšwa mo gohle. Go tšwa Katoliki, thwii. . . kereke ya pele ya go ikaga go iša go ya mafelelo, e lego Pentekoste, yo mongwe le yo mongwe wa rena o na le molato. Yo mongwe le yo mongwe ba na le molato, ntle le tlaolo.

<sup>200</sup> Le bona moo re ikišitšego? Dikolo tša rena tše kgolo go ruta badiredi ba rena le dilo, le selo seo ba re radielago ka gare, ntle kua. A re lahleleleng selo seo ka thoko. Re dire bjalo ka Paulo wa bogologolo, “Le se setee sa dilo tše ga se ntšhišinye. Ke kgodišegile gore ga go selo sa bjale, go ba se sengwe sa ka moso, ga go se se ka nkaroganyago le lerato la Modimo le le lego ka go Kriste. Gomme ke lebala dilo tšeo di fetilego, ke phegelela go ya maamong a pitšo ya godimo ka go Kriste.” Oo, nna! Dumela yona gonabjale, ge re tswalela mahlo a rena gomme re bulela dipelo tša rena go Yena, gomme re re:

Ge legala la Mollo le kgwathile moporofeta,  
 Le mo dirile tlhweko ka mo tlhweko e ka  
 kgonago go ba,  
 Ge lentšu la Modimo le rile, “Ke mang yo a  
 kago re ela?”  
 Nako yeo a araba, “Morena, mo, roma nna.”  
 Oo, bolela, Morena waka, bolela.

Bjale a re emišetša diatla tša rena go Yena, gomme re e dumele.

Bolela, bolela, Morena, ke tla hlaganela go Go  
 araba;  
 Bolela, Morena waka; bolela, Morena waka,  
 Bolela, gomme ke tla araba, “Morena roma  
 nna.”  
 Eye, bolela, Morena waka.

<sup>201</sup> Rapela bjale. Ke ile go kgopela Ngwanešu Don go tla mo gomme a rapela le rena.

Bolela, gomme ke tla hlaganela go Go araba.



*KHUETŠO* NST63-1130B  
(Influence)

Molaetša wo o tla ka Ngwanešo William Marrion Branham la mathomo o tšweleditšwe ka leleme la seisimane sefihlolo wa Mokibelo la, Nofemere 30, 1963, kua Captain Shreve Hotel mo Shreveport, Louisiana, U.S.A., o tšerwe go tšwa theiping ya makenete yeo e gatišitšwego mme ya tlanywa ntle le go lekodišišwa ka leleme la seisimane. Phetolelo ye ya North Sotho sa Lebowa e phatlaladitšwe ka ngwaga wa 2004 ke:

©2004 VGR, ALL RIGHTS RESERVED

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.

## Tsebišo ka tokelo-kgatišo

Ditokelo ka moka di bolokilwe. Puku ye e ka ngwalollwa godimo ga sengwalolli sa ka gae go šomišwa ke mong goba go fiwa ntle, mahala ntle le tefo, bjalo ka sedirišwa go gaša Ebangedi ya Jesu Kriste. Puku ye e ka se kgone go rekišwa, go tšweletšwa gape ka bopepetla, go romelwa go website, go bolokwa go sedirišwa sa go bušetša, go hlathollelwa malemeng a mangwe, goba go šomišetšwa go kgopela ditšhelete ntle le tumelelo ya go ngwalwa ya Voice Of God Recordings®.

Tshedimošo ye e Tseneletšeng goba materiale yo mongwe o leng gona, ka kgopelo ikopanye le:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)